

鍼

灸

聚

英

鐵鍼

本草云馬啣鐵無毒日華子云古舊鍼諸針或作鑿工鐵也

武按本草柔鐵卽熟鐵有毒故用馬啣則無毒以馬屬午屬火火剋金解鐵毒故用以作鍼古曰金鍼者貴之也又金爲總名銅鐵金銀之皆是也

煮鍼

危氏書云烏頭巴豆各一兩五錢麻黃各五錢木槧子十箇用烏梅藥同入磁石器內水煮一日洗擇之再用止痛沒藥乳香當歸花乳石各半兩又如前水煮一日取出用皂角水洗再於大肉內煮一日仍用瓦屑打磨淨端直款

子油塗常近人氣爲妙

按煮鍼非素問意今依法煮之以解鐵毒此有益無害也

### 火鍼

經曰焮鍼者以麻油蒲葢燈草令多如大指許叢其燈火燒針頻以麻油蘸其針燒令通紅用方有功若不紅者反損於人不能去病燒時令針頭低下恐油熱傷手先令他人燒針鑿者臨時用之以凡數手熟統覺針經醫卽取針先以鍼安穴上自然乾針之亦佳凡行針熱灸相似以經記之使鍼時無差穴道差則無功火針甚難須有屠泥心創予手方可行針先以左手按穴其穴熟後針之物忌太深深則反傷經絡不可太淺淺則治病無功然滅息取中

也凡大醉之後不可行針不適淺深有害無利凡行火鍼必先安慰病人令無驚心較之火針及灸灸則直守艾灼燒過痛則久也火針雖則視之畏人其針下快疾一針便去疼不久也以此則知灸壯候數滿足疼之久也火針止是一鍼不再則痛過也凡行火針一鍼之後疾速便去不可久留尋卽以左手速按針孔上則疼止不按則疼甚凡下針先以手按穴令端正頻以眼視無差方可下鍼燒針之人委令定心燒之恐視他處針冷治病無功亦不入內也人身諸處皆可行針面上忌之凡季夏大經血盛皆下流兩脚切忌妄行火針於兩脚內及足則潰濃腫疼難退其如脚氣多發於夏血氣濕氣皆聚兩脚或誤行火針則反加腫疼不能行履也當夏之時脚氣若發藥治無效不

灸灸之每一穴上但可灸三壯初其病退壯數之年亦苦  
不潰腫膿瘡亦易平火針者宜破癰毒發背潰膿在內外  
皮無頭者但按腫軟不堅者以潰膿闊大者按頭尾及中  
以點記宜下三針決破出膿一針腫上不可按之卽以指  
從兩旁捺之令膿隨手而出或腫大膿多針時須側身回  
避恐膿射出汗身○孫氏曰凡下火針須隔一日報之報  
之後當膿水大出疾則効矣凡癰塊結積之病甚宜火針  
此非萬効之功火針甚妙於結塊之上須停針慢出仍轉  
動其針以發出污滯凡下大針經一宿身上發熱惡寒此  
爲中病無害事也火針亦行氣火針惟假火力無補瀉虛  
實之害惟怕太深有害餘則無妨氣針者有淺有深有補  
有瀉候氣候邪之難不可誤行恐虛者反瀉實者不宜又

以爲害世之製火針者皆用馬啣鐵思之令喜意也此鍼  
惟是要久受火氣鐵熱不生爲上莫如火爐中用廢火筋  
製針爲佳也初製火針必須一日一夜不住手以麻油燈  
火頻頻蘸燒如是終一日一夜方可施用凡治癱瘓尤宜  
火針易獲功效蓋火針大開其孔穴不塞其門風邪從此  
而出若氣鍼微細一出其針針孔卽閉風邪不出故功不  
及火鍼灸者亦閉門趕賊其門不閉邪無出處故也若風  
濕寒二者在於經絡不出者宜用火針以外發其邪鍼假  
火力故功效勝氣針也破癰堅積結瘤等皆以火針猛熱  
可用又如川僧多用煨針其針大於鞋針火針以火燒之  
可用卽九鍼之中大鍼是也其針大於氣針故曰火針  
者其功能治風邪入舍於筋骨間不出者宜用之火針之

次也 孫曰三針者是鋒針鉞鍼火針也火針卽燂針也  
按燒針法仲景以前多用之以致禍故傷寒書屢言之  
如曰用燒針必驚燒針令汗針處被寒核起發奔豚加  
燒針因胸煩之類今世或用以出癰膿爲便

### 溫鍼

王節齋曰近有爲溫針者乃楚人之法其法鍼於穴以香白  
芷作圓餅套針上以艾蒸溫之多以取効然古者針則不灸灸則  
不鍼未有針而加灸者此後人俗法也此法行於山野貧賤之  
人經絡受風寒致病者或有効只是溫針通氣而已於血宜行  
於痰無預也古針法最妙但今無傳恐不得精高之人誤用之  
則危拙出於頃刻唯灸得穴有益無害日後宜行之

### 折鍼

本草云鑿工鐵人而鎔折在肉中不出村中鼠肝及腦塗之又象牙主諸針及雜物入肉刮取屑細研入水和傳上立出肘後方鍼折肉中象牙屑水和付上立出

寶鑑湧針膏取針刺入肉并箭頭鼠糞頭十箇蜈蚣四十九箇土消虫十箇羌青馬肉中蛆醬肉蛆俱焙蠅蜋巴豆信砒礪砂夏枯草磁石黃丹蘇木地骨皮各一兩石腦油三兩蒿柴灰汁三升右將灰汁石腦油以文武火熬成膏次下諸藥令勻磁器內收貯臨時用看瘡大小點藥良久自然湧出

萬聖神應丹出針并箭頭良藥根今天仙子苗是也於端午前一日持不語尋上項科取酌中一科要根枝葉實全道先生你在這裏那道能用柴灰自東南為頭圍了用木



篋撮取子根下土次日端午日未出依前不語用鏤只一下取出用淨水洗了不令鷄犬婦人見於靜室中石臼中搗如泥丸如彈子大黃丹爲末紙袋內封了懸高處陰乾鍼箭不出者以緋絹袋盛一丸放在臍下用綿裹肚繫了先用象牙末屑於傷處貼了後用此藥若瘡口生合用刀子微割開以象牙末貼之

神聖膏取針入皮膚車脂不拘多少成膏子好攤紙上如錢大貼之二日一換三五次鍼自出大有神効

烏翎散取鍼鐵入皮膚烏翎三五枝火灸焦爲末好醋調成膏塗瘡上紙蓋一兩次其鍼自出

按素問云鍼耀而勻示人臨病當檢視其針令光耀滑澤勻直而無曲損也能守此訓自不致折矣又磁石能

引鍼入肉古人療折鍼法雖多今倫錄於此宜隨輕重選用之

### 暈鍼

濟生拔萃云有隨針而碎者何曰一則不知刺禁如刺中心一日死之類也二則不明脉候如下利其脉忽大者死之類凡鍼灸者先須審詳脉候觀察病證然後知其刺禁其經絡穴道遠近氣候息數深淺分寸

金鍼賦云其或暈針者神氣虛也以鍼補之以袖掩之口鼻氣回熱湯與之畧停少頃休前再施

按以鍼補之以所內之鍼施補也以袖掩之掩其口母令氣泄掩其面母令迎風也

指微賦註云醫人深明氣血往來取穴部分不差補瀉得

宜必無鍼暈昏倒之疾或惚忙之際畏刺之人多感此壯者氣行自己怯者當速救療假令鍼肝經感氣暈以補肝經合曲泉穴之絡假令針肝絡血暈以補本經曲泉穴之經鍼入復甦効如起死餘皆倣此

劉宗厚曰暈鍼者奪命穴救之男左女右取之不回却再取右女亦然此穴正在手膊上側筋骨陷中蝦蟇兒上自肩至肘正在當中

按暈鍼三法指微賦有理劉氏止言奪命穴而不言何經何絡今按此穴分是肺大腸脉分而古亦無奪命穴之名也

### 鍼灸傷

危氏書云治鍼灸傷經絡膿血不止黃芪八兩當歸三兩

肉桂木香乳香別研沉香各一两爲末用萊菔粉四兩薑汁糊丸梧桐子大每服五十九不拘時候熱水下

### 煖鍼

素問遺篇註云用員利針長針未刺時先口溫鍼煖而用之又曰先以口啣鍼令溫又曰毫針於人近體煖針至溫又曰著身溫之

按口體溫針欲針入經穴氣得溫而易行也今或投針於熱湯中亦此意耳口溫與體溫微有不同口溫者鍼頭雖熱而柄尚寒不若著身溫之則鍼通身皆熱矣

### 呼吸

素艾註云按經之皆先補真氣乃瀉其邪也何以言之補法呼盡內鍼靜以久留此段瀉法吸則內鍼又靜以久留

然呼則次其吸吸至則不兼呼內鍼之候既同久留之理復一則先補之義昭然可知○拔萃云呼不過三吸不過五○明堂云當補之時候氣至病更用生成之息數令病人鼻中吸氣出自覺熱矣當熱瀉之時使氣至病所更用生成之數令病人鼻中出氣口中吸氣按所病臟腑之數自覺清涼矣

### 補瀉

素問遺篇補腎俞註曰用員利針臨刺時呪曰五帝上真六甲玄靈氣符至陰百邪閉理念三遍先刺二分留六呼吸入針至三分動氣至而徐徐出針以手捫之令受鍼人咽氣三次又可定神魂者也瀉脾俞註曰欲下鍼時呪曰帝扶天形護命成靈誦之三遍逆刺三分留七呼吸動氣至

即急出其針

按呪法非素問意補註又王氏輩爲之未足信但鍼工念呪則一心在鍼故曰如待所貴不知日暮也

衛生拔萃云瀉法先以左手揣按得穴以右手置鍼於穴下令病人咳嗽一聲撫鍼入腠理得穴令病人吸氣一口針至六分覺針沉澁復退至三四分再覺沉澁更退針一豆許仰手轉針頭向病所以手循經絡捫循至病所以合手以迴針引氣過鍼三寸隨呼徐徐出針勿閉其穴命之曰瀉○補法先以左手端揣按得穴以右手置鍼於穴上令病人咳嗽一聲撫鍼入腠理得穴令病人呼氣一口將盡納針至八分覺針沉緊復退一分許如更覺沉緊仰手轉針頭向病所依前循捫其病所氣至病已隨吸而走出

針速按其穴命之曰禱○又曰夫行針者當刺之時口溫針煖先以左手揣按所針榮俞之處彈而怒之瓜而下之捫而循之通而取之隨病人咳嗽一聲右手持針而刺之春夏二十四息秋冬三十六息徐出徐入氣來如動脈之狀補者隨經脈推而內之左手閉針孔徐出針而疾按之○瀉者迎經脈動而伸之左手開針孔疾出針而徐按之虛羸氣弱癢麻者補之豐肥堅硬疼痛者瀉之

按素問云候呼內針又曰候呼引針候伺候也言鑿工持針等候病人之呼吸而用針也今令病人呼吸是以呼吸候針矣又曰令病人吹氣一口吸氣一口又是非鼻中呼吸矣諺之甚也此補瀉尚得素難意

明堂註云寒熱補瀉假令補冷先令病人咳嗽一聲得入

腰理復令吹氣一口隨吹下針至六七分漸進腎肝之部  
俾針徐徐良久復退針一豆許乃撚針問病人覺熱否然  
後針至三四分及心肺之部又令病人吸氣內針撚針使  
氣下行至病所却外撚針使氣上行直過所鍼穴一二寸  
乃吸而外撚針出以手速按其穴此爲補○夫病熱者治  
之以寒何如須其寒者先刺入陽之分後得氣推內至陰  
之分後令病人地氣入而天氣出謹按生成之息數足其  
病人自覺清涼矣夫病惡寒者治之以熱也何如須上熱  
者先刺入陰之分候得氣徐引鍼至陽之分後令病人天  
氣入而地氣出亦謹按生成之息數足其病自覺和煖矣

#### 十四法

動者如氣不行將針伸提而已○退者爲補瀉欲出鍼時



各先退針一豆許然後却留針方可出之○搓者凡令病人覺熱向外針似搓線之狀勿轉太緊治寒而裏卧針前轉法以爲搓也○進者凡不得氣男外女內者及春夏秋冬各有進退之理○盤者如針腹部於穴內輕盤搓而已○揉者凡瀉時欲出針必須動揉而後出○彈者凡補時用指甲輕彈使氣疾行也如瀉不可用○撚者以手指撚針也務要記夫左右左爲外右爲內○循者凡下針於部分經絡之處用手上下循之使氣血往來經云推之則行引之則止○捫者凡補者出鍼時用手捫閉其穴也○攝者下鍼時得氣滯滯隨經絡上大指甲上下切其氣血自得通行也○按者以手按針無得進退如按切之狀○瓜者凡下針用手指作力置針有准也○切者凡下針必先

用大指甲左右於穴切之令氣血宣散然後下針使不使  
不傷於榮衛也

按此十四法所謂進退動搖彈捫攝循切按爪皆素問  
鍼法撻撻非素問法也

### 八法

金鍼賦云一曰燒山火治頑麻冷痺先淺後深用九陽而  
三進三退慢提緊按熱至緊閉插針除寒之有準也二曰  
透天涼治肌熱骨蒸先深後淺用六陰而三出三入緊提  
慢按寒則徐徐舉針退熱之可憑皆細細撻之去病准繩  
三曰陽中之陰先寒後熱淺而深以九六之法則先補後  
瀉也四曰陰中之陽先熱後寒深而淺以九六之法則先  
瀉後補也補者直須熱至瀉者務待寒侵猶如撻線慢慢

轉針在淺則用淺法在深則用深法二者不可兼而索之也五曰子午搖白水盪隔氣落穴之後調氣均勻針行上下九入六出左右轉之千遭自平六曰進氣之訣腰背肘膝痛渾身走注疼刺九分行九補卧針五七吸待氣上行亦可龍虎交戰左撚九而右撚六是亦住痛之針七曰留氣之訣痲痺癢癢刺七分用純陽然後乃直挿針氣來深刺提針再停八曰抽添之訣癰瘰癧取其要穴使九陽得氣提按搜尋大要運氣週遍扶針直挿復向下納回陽倒陰指下玄微胷中活法一有未應反復再施

按此八法巧立名色非難素意也

#### 四法

金鍼賦云過關過節催運氣以飛經走氣其法有四一曰

青龍擺尾如扶舡舵不進不退一左一右慢慢撥動二曰白虎擺頭似手搓鈴退方進員燕之左右搓而撮之三曰蒼龜探穴如入土之象一退三進鑽剔四方四曰赤鳳迎源展翅之儀入鍼至地提鍼至天候鍼自搖復進其元上下左右四圍飛旋病在上吸而退之病在下呼而進之按此法亦巧立名色而已求鍼之明爲鍼之晦

### 下鍼法

金鍼賦云先須瓜按重而切之次令咳嗽一聲隨咳下鍼凡補先呼氣初針刺至皮肉乃曰天才少停進針刺至肉內是曰人才又停進針刺至筋骨之間名曰地才此爲極處就當補之再停良久却須退針至人之分待氣沉緊倒針朝病進退往來飛經走氣盡在其中矣凡瀉者吸氣初

針至天少停進針直至於地得氣瀉之再停良久却須退針復至於人待氣沉緊倒針朝病法同前矣○及夫調氣之法下針至地之後復人之分欲氣上行將針右撚欲氣下行將針左撚欲補先呼後吸欲瀉先吸後呼氣不至者以手循攝以爪切搯以針搖動進撚撓彈直待氣至以龍虎升騰之法按之在前使氣在後按之在後使氣在前運氣走至疼痛之所以納氣之法扶針直插復向下納使氣不回若關節沮滯氣不過者以龍虎龜鳳通經接氣大段之法馳而運之仍以循攝爪切無不應矣此通仙之妙按素問有淺深法而此曰天地人三才者是亦九鍼論意也

醫經小學云先說平鍼法含鍼口內溫按揉令氣散揣穴

放教深持鍼安穴上令他嗽一聲隨嗽歸天部停鍼再至人再停歸地部待氣候鍼沉氣若不來至指甲切其經次提鍼向病鍼退天地人補必隨經刺令他吹氣頻隨吹隨左轉逐歸天地人待氣停鍼久三彈更熨溫出鍼口吸氣急急閉其門瀉欲迎經取吸則納其鍼吸則瀉右轉他次進天人轉鍼仍復吸依法再停鍼出鍼吹出氣搖動大其門

### 出鍼法

金鍼賦云病勢既退鍼氣微鬆病未退者鍼氣如根推之不動轉之不移此爲邪氣吸拔其針乃真氣未至不可出之出之者其病卽復再瀉補當停以待之直候微鬆方可出鍼豆許搖而停之補者吸之去疾其穴急捫瀉者呼之

去徐其穴不閉欲令湊密然後吸氣故曰下針貴遲大急傷血出針貴緩大急傷氣劉宗厚曰出針不可猛出必須作三四次徐徐轉而出之則無血若猛出必見血也

人身左右補瀉不同

神應經曰人身左邊右手以大指進前撚針爲補大指退後撚鍼爲瀉右邊以右手大指退後撚鍼爲補進前撚鍼爲瀉

撚針左右已非素問意矣而人身左右不同謬之甚也

男女氣血

金鍼賦云男子之氣早在上而晚在下取之必明其理女子之氣早在下而晚在上用之必識其時午前爲早屬陽午後爲晚屬陰男女上下平腰分之

按針灸當隨經絡氣至十二時候如寅肺卯大腸經之類男女所同男女氣血上下之分固非素難意亦不必然也

古人有不行鍼知鍼理

一婦人患熱入血室醫者不識用補血藥數日成結曾證許學士曰小柴胡湯已遲不可行也可刺期門予不能鍼請善鍼者鍼之如言而愈

鍼灸藥皆醫家分內事後世分門專科之醫出而各有所長矣

艾葉

本草云艾味苦氣微溫陰中之陽無毒主灸百病○三月三日五月五日採暴乾陳久者良○又辟惡殺鬼又採艾



之法取五月五日火旺之時灼艾有效製艾先要如法令乾燥入臼搗之以細篩去塵屑每入石臼搗取潔白爲上須令焙太燥則灸有力火易然如潤無功

證類本草云出明州圖經云舊不著所出州土但云生田野今在處有之以複道者爲佳初春布地生苗莖類蒿而葉背白以苗短者爲佳○或灸諸風冷痰入疏黃末亦可○孟子云七年之病求三年之艾○丹溪云艾性至熱入火灸則上行入藥服則下行

### 艾炷大小

千金云黃帝曰灸不三分是謂徒冤炷務大也小弱乃小作之○又曰小兒七日以上周年以還炷如雀糞○明堂下經云凡灸欲炷根下廣三分若不三分卽火氣不能達

病未能愈則是艾炷欲其大惟頭與四肢欲小耳明堂上經乃曰艾炷依小筋頭作其病脉粗細狀如細線但令當脉灸之雀糞大炷亦能愈疾又有一途如腹中疝瘕瘵癰伏梁氣等准須大艾炷故小品曰腹背爛燒四肢則但去風邪而已不宜大熱如巨闕鳩尾灸之不過四七炷祇依竹筴頭大但令正當脉灸之艾炷若大復灸多其人永無心力如頭上灸多令人失精神背脚灸多令人血脉枯竭四肢細而無力既失精神又加細節令人短壽○王節齋曰面上艾炷須小手足上則可粗

### 點艾火

下經云古來灸病忌松柏枳橘榆棗桑竹八木火切宜避之有火珠耀日以艾承之得火次有火鏡耀日亦以艾引

得火此火皆良諸蕃部落用鑛鐵擊砦石得火以艾引之  
凡倉卒難備卽不如無木火清麻油點燈上燒艾莖點灸  
蕪滋潤灸瘡至愈不疼用蠟燭更佳○良方云凡取火者  
宜敲石取火或水精鏡於日得太陽火爲妙天陰則以槐  
木取火今行舟人以鐵鉞刀擊石以紙灰爲丸在下承之  
亦得火

按周禮夏官司燿掌行火之政令四時變國火以救時  
疾鄒子曰春取榆柳之火夏取棗杏火季夏取桑柘之  
火秋取柞櫟之火冬取槐檀之火饒氏曰此古人贊化  
育之一事艾灸點火只依取五火而已秦漢而下醫家  
不識此意

壯數多火

千金云凡言壯數者若丁壯病根深篤可借於方數老少  
羸弱可減半又曰小兒七以上周年以上不過七壯扁  
鵲灸法有至三五百壯千壯曹氏灸法有百壯有五十壯  
小品諸方亦然惟明堂本經云針入六分灸三壯更無餘  
治故後人不準惟以病之輕重而增損之凡灸頭項止於  
七壯積至七七壯止人銅若治風則灸上星前頂百會至二  
百壯腹背宜灸五百壯若鳩尾巨闕亦不宜多灸但去風  
邪不宜多灸灸多則四肢細而無力明堂千金方於足三里  
穴乃云多至三二百壯心俞禁灸若中風則急灸至百壯  
皆視其病之輕重而用之不可泥一說而不知其又有一  
說也下經只云若是禁穴明堂亦許灸一壯至三壯恐未  
盡也

# 阿是穴

千金云凡官遊吳蜀體上常須三兩處灸之切令瘡暫差則瘡癰溫毒不能着人故吳蜀多行灸法有阿是穴之法言人有病卽令按其上若裏當其處不開孔穴卽得使快成痛處卽云阿是灸刺皆驗故云阿是穴

## 治灸瘡令發

資生云凡著艾得瘡發所患卽差不得發其病不愈甲乙經云灸瘡不發者用故履底灸令熟熨之三日卽發今用赤皮菰三五莖去青於塘灰中煨熟拍破熱熨瘡十餘遍其瘡三日自發予見人灸瘡不發者頻用生麻油漬之而發亦有用皂角煎湯候冷燂點之而發亦有恐氣血衰不發於灸前後煎四物湯服以此湯滋養氣血故也不可一

槩論也予常灸三里各七壯數日過不發再灸二壯右足發左足不發更灸左足一壯遂發亦在人以意取之若順其自然則終不發矣此人事所當盡也

按寶鑑云氣不至而不効灸之亦不發蓋十二經應十二時其氣各以時而至故不知經絡氣血多少應至之候而灸之者則瘡不發世醫莫之知也惜哉若壯實人不候時而灸亦發

### 洗灸瘡

凡著灸住火便用赤皮蔥薄荷湯溫洗瘡周圍約一二尺令驅逐風氣於瘡口出更令經脉往來不滯自然瘡疾愈若灸瘡退痂後用東南桃枝青嫩皮煎湯溫洗能護瘡中諸風若瘡內黑爛加胡荽煎若瘡疼不可忍多時不効加黃

連煎神効

貼灸瘡

資生云貼灸瘡春用柳絮夏用竹膜秋用新綿冬用兔腹上白絨毛猫兒腹毛更佳今人多以膏藥貼之日三两易全不疼但以膏藥貼則易乾爾若要膿出多而疾除不貼膏藥尤佳

按柳絮竹膜兔猫毛貼瘡恐乾燥作疼而太乙膏善應膏又有不對證藥皆不宜今只用白芷乳香當歸川芎等香油另煎膏藥貼之爲要

小兒戒逆灸

千金云小兒新生無疾慎不可逆針灸之如逆針灸則忍痛動其五臟因喜成癇河間關中土地多寒兒喜病瘥其

生兒三日多逆灸以防之灸頰以防噤有噤者舌下腭急  
牙車筋急其土地寒皆決舌下去血灸頰以防噤也吳蜀  
地溫無此疾也古方既傳之今人不詳南北之殊便按方  
而用之是以多害於小兒也所以田舍小兒任其自然皆  
得無橫夭也

相天時

千金云正午以後乃可灸謂陰氣未至灸無不著午前平  
旦穀氣虛令人癰敗不可針灸卒急者不可用此例○下  
經云灸時若遇陰霧大風雪猛雨炎暑雷電虹霓停候晴  
明再灸急難亦不拘此

按日正午氣注心經未時注小腸經止可灸極泉通靈  
少海靈道通里神門少府少冲少澤前谷後谿腕骨等



穴其餘經絡各有氣至之時故寶鑑云氣不至灸之發千金所云午後灸之言恐非孫真人口訣也

### 忌食物房勞

資生云既灸忌食猪魚熱麵生酒動風冷物鮮肉最毒而房勞尤忌

按既灸之後當茹淡使胃氣和平血氣流通疾病隨艾氣驅出若厚味醉醕則血氣亂生痰涎阻滯病氣而不得驅逐房勞則損精神血脉故當守禁忌卅溪有茹淡論相火論須熱讀不獨鍼灸爲然也

### 避人神

千金云欲行針灸先知行年宜忌及神人所在不與禁忌相應即可故男忌除女忌破男忌戌女忌巳有日神忌有

每月忌有十二時忌有四季人神有十二部人神有十二  
部年人神有九部傍通人神有雜忌傍通人神有血支血  
忌之類凡醫者不能知此避忌若逢病人厄會男女氣怯  
下手至困通人達士豈拘此哉若遇卒急暴患不拘時法  
許希亦云卒暴之疾須速灸療一日之間止忌一時是也  
千金云癰疽疔腫喉痺客忤尤爲急凡作湯藥不可避凶  
日覺病須臾卽宜便治又曰凡人卒暴得風中時氣凡百  
所苦須急救療久後皆難愈此論甚當夫急難之際命在  
須臾必在吉日後治已淪於鬼錄此所以不可拘忌也惟  
平居治病於未形選天德月德等日服藥針灸可也

### 炷火

千金方云凡點灸法坐點穴則坐灸卧點穴則卧灸立點

穴則立灸須四體平直毋令傾側若傾側穴不正徒破好肉耳

明堂云須得身體平直毋令拳縮坐點毋令俯仰立點毋令傾側

炷火先後

賢生云千金方言凡灸當先陽後陰言從頭向左而漸下次從頭向右而漸下先上後下○明堂云先灸上後灸下先灸少後灸多皆宜審之○王節齋曰灸火須自上而下不可先灸下後灸上

鍼灸避忌太乙之圖序

鍼經曰太乙日遊以冬至之日始居叶蟄之宮從其宮數所在日從一處至九日復反于一常如是無已周而復始

此太乙日遊之法也。柰行鍼之士無所知者，遂將太乙所直之日，偏次成圖，始有八節得王之日，從其宮至所在之處，前一終九日，徙一宮至九日，復反于一週而復始。如是次而行之計，每宮各得五日九之則一節之日，悉備今子一條次，條細開具於逐宮之內，使觀者臨圖卽見逐節太乙所直之日在何宮內，乃知人之身體所忌之處，庶使行針之士知回避之，俾人無忤犯太乙之凶，乃僕之本意也。

### 冬至叶蟄宮說

冬至叶蟄宮，圖周身之法，取九宮方位，离爲上部，中五爲中部，次爲下部。巽坤爲二肩，震兌爲左右脇，乾艮爲左右二足。太乙遊至處，禁忌鍼灸。若起叶蟄，取冬至一日爲首，他皆倣此。

太乙

忌戊申巳未

二立秋

忌辛酉  
倉末宮

七秋分

忌戊戌乙卯

五久

血忌

忌丙午夏至

忌諸戌巳

忌壬子

冬至

之圖

忌戊辰巳巳

四立夏

忌乙卯  
倉開宮

三春分

忌戊寅巳丑

八立春

按冬至叶蟄宮圖載於素問者止言八方之氣有應其

時而生物違其時而生病又刺癰曰身有癰腫者欲治

之無以其所直之日潰之今曰諸鍼灸皆忌之是與素

問不合

月內神人所在

一日在足大指厥陰分刺之跗腫

二日在足外踝少陽分刺之經筋緩

三日在股內少陰分刺之小腹痛

四日在腰太陽分刺之腰倭無力

五日在口太陰分刺灸之舌強

六日在兩手陽明刺之咽喉不利一云在足小指

七日在內踝少陰分刺灸之陰經筋急

八日在手腕太陽分刺灸之腕不收

九日在尻厥陰分刺灸之病結

十日在腰背太陽分刺灸之腰背倭

十一日在鼻柱陽明分刺灸之齒面腫

十二日在髮際少陽分刺之令入耳重聽

十三日在牙齒少陰分刺灸之氣寒

十四日在胃脘陽明分刺之氣腫

十五日在通身不宜補瀉針灸大忌

十六日在胃太陽分刺之逆息

十七日在氣衝陽明分刺之難息

十八日在股內少陰分刺之引陰氣痛

十九日在足趺陽明分刺灸之發腫

二十日在內踝少陰分刺之經筋牽

二十一日在手小指太陽分刺之不仁

二十二日在足外踝少陽分刺之經筋緩

二十三日在肝及足厥陰分刺之發轉筋

二十四日在手陽明分刺灸之咽喉中不利

二十五日在足陽明刺灸之胃氣脹

二十六日在胸太陰分刺灸之令人喘嗽

二十七日在膝陽明分刺灸之足經厥逆

二十八日在陰少陰分刺之小腹急痛

二十九日在膝脛厥陰分刺之筋痿少力

三十日在足趺皆忌針灸

按內經素問無此說

每月血支

正月丑二月寅三月卯四月辰五月巳六月午七月未八月申九月酉十月戌十一月亥十二月子

每月血忌

正月丑二月未三月寅四月申五月卯六月酉七月辰八月戌九月巳十月亥十一月午十二月子

十二支神人



子目丑耳寅胸卯齒辰腰巳手午心未足申頭酉膝戌除  
亥脛

十二部神人

建日在足禁晡時 除日在眼禁日入 滿日在腹禁黃昏  
平日在背禁人定 定日在心禁夜半 執日在手禁鷄鳴  
破日在 禁平旦 危日在鼻禁日出 成日在唇禁食時  
收日在頭禁寅中 開日在耳禁午時 閉日在目禁日昃

十二時忌

子在踝 丑在頭 寅在耳 卯在面 午在胸 未在腹  
申在心 酉在背 辰在項 巳在腰 亥在股 戌在

十二部神人

一歲 十三 廿五 卅七 四十九 六十一 七十二

八十五 人神在心

二歲 十四 廿六 卅八 五十 六十二 七十四

八十六 人神在喉

三歲 十五 廿七 卅九 五十一 六十三 七十五

八十七 人神在頭

四歲 十六 廿八 四十 五十二 六十四 七十六

八十八 人神在頸

五歲 十七 廿九 四十一 五十三 六十五 七十七

八十九 人神在背

六歲 十八 三十 四十二 五十四 六十六 七十八

九十 人神在腰

七歲 十九 三十一 四十三 五十五 六十七 七十九

九十 人神在腹

八歲 二十 三十二 四十四 五十六 六十八 八十

九十二 人神在項

九歲 廿一 三十三 四十五 五十七 六十九 八十一

九十三 人神在足

十歲 廿二 三十四 四十六 五十八 七十 八十二

九十四 人神在腰

十歲 廿三 三十五 四十七 五十九 七十一 八十三

九十五 人神在陰

十一歲 廿四 三十六 四十八 六十 七十二 八十四

九十六 人神在股

九部傍通神人

勝 心 肘 咽 口 一 頭 脊 脉 尾

一 二 三 四 五 六 七 八 九

十 十一 十二 十三 十四 十五 十六 十七 十八

十九 二十 廿一 廿二 廿三 廿四 廿五 廿六 廿七

廿八 廿九 三十 卅一 卅二 卅三 卅四 卅五 卅六

卅七 卅八 卅九 四十 四一 四二 四三 四四 四五

四六 四七 四八 四九 五十 五一 五二 五三 五四

五五 五六 五七 五八 五九 六十 六一 六二 六三

六四 六五 六六 六七 六八 六九 七十 七一 七二

七三 七四 七五 七六 七七 七八 七九 八十 八十一

八二 八三 八四 八五 八六 八七 八八 八九 九十

正 二 三 四 五 六 七 八 九 十 十一 十二

月 厭戌酉申未午巳辰卯寅丑子亥

月 忌戌戌戌丑丑丑辰辰辰未未未

月 殺丑戌未辰丑戌未辰丑戌未辰

月 刑巳子辰申午丑寅酉未亥卯戌

月 害巳辰卯寅丑子亥戌酉申未午

四季神人

春在左脇 秋在右脇 夏在臍 冬在腰 男忌除

女忌破

天醫取師療病吉日

正月卯日 二月寅日 三月丑日 四月子日 五月亥日

六月戌日 七月酉日 八月申日 九月未日 十月午日

十一月巳日十二月辰日

胡侍郎奏過死神指訣

一歲 十歲 十九 廿八 卅七 四六 五五 六四

七三 八二 坤管义踝

二歲 十歲 二十 廿九 卅八 四七 五六 六五

七四 八三 震管牙臨

三歲 十歲 廿一 卅 卅九 四八 五 六六

七五 八四 巽管頤口乳

四歲 十歲 廿二 卅一 四十 四九 五八 六七

七六 八五 中宮管肩及尾窮骨

五歲 十歲 廿三 卅二 四一 五十 五九 六八

七七 八六 乾管背面耳

六歲 十五歲 廿四 卅四 四二 五一 六十 六九

七八 八七 兌管手膊

七歲 十六歲 廿五 卅四 四三 五二 六一 七十

七九 八八 艮管腰項

八歲 十七歲 廿六 卅五 四四 五三 六二 七一

八十 八九 離管脉肋

九歲 十八歲 廿七 四五 五四 六三 七二 八一

九十 次管脚肘肚

一歲十歲起二宮順行日逐神人就甲子內檢死神者  
神農之所制也凡人年命巡行九宮值此死神所在不  
可針灸犯者必至喪命或生癰疽宜速急醫治急病不  
拘此例又曰凡醫者不知此諸般避忌趨吉避凶妄亂

針灸非惟不能愈疾甚者或至傷生喪命爲害非輕若逢病人年命厄會處男女氣怯下手至難通人達人若遇卒急暴患何暇選擇避忌卽不可拘此

按以上諸禁忌惟四季所忌似合素問其餘不知何時何人所起如所謂屍神人神者果有之則不分病輕重犯之當有禍今又曰卒急何暇選擇此時人神屍神亦憫病危而不禍乎又按屍尾底骨卽臀尖曰尻神則是臀尖神矣何人之一身獨臀尖爲神乎是皆不可曉者也以俟能知者



鍼灸聚英卷之三終

鍼灸聚英卷之四

四明黃氏集

十四經穴歌

手太陰十一穴中府雲門天府列俠白尺澤孔最臑臂臑缺  
經渠太淵涉魚際如韭葉

手陽明起商陽二間三間合谷歲陽谿偏歷歷溫潤下廉  
上廉三里長曲池肘膠迎五里臂臑肩髃巨骨當天髃  
扶突禾膠接終以迎香二十六穴

四十五穴足陽明承泣四白巨髃經地倉大迎頰車下  
關頭維人迎對水突氣舍連缺盆氣戶庫房屋翳心胃  
臑乳中廷乳根不容承滿梁門起關門太乙滑肉門天  
樞外陵大巨存水道歸來氣衝次髀關伏兔走陰市梁  
丘犢鼻足三里上巨虛連條口位下巨虛位及豐隆解

谿衝陽陷谷中內庭厲兌經穴終

二十一穴太陰脾隱白大都太白隨公孫商丘三陰交漏  
谷地機陰陵坳血海箕門衝門開府舍腹結大橫排腹  
哀食竇連天谿胸鄉周榮大包隨

九穴手少陰極泉青靈少海深靈道通里陰郛遂神門小  
府少冲尋

手太陽穴一十九少澤前谷後谿隅腕骨陽谷可養老支  
正少海肩貞走臑俞天宗及秉風曲垣肩內復肩中天  
窓天容上顙膠却入耳中循聽宮

足太陽六十三睛明攢竹曲差參五處承光上通天絡却  
玉枕天柱靳大杼風門引肺俞厥陰心俞鬲俞注肝俞  
膽俞脾俞合胃俞三焦腎俞中大腸小腸膀胱俞中膕

白環兩俞輪自從大杼至白環相去脊中三寸間上髀  
次髀中復下會陽承扶殷門惡浮郄委陽委中鐘髀內  
夾脊附分當太陽行皆第三行魄戶膏肓與神堂譙譙  
兩關魄門旁陽綱意舍仍胃倉肓門志室胞之育二十  
椎下秩邊藏合腠以下合陽是承筋承山居其次飛揚  
附陽汭崑崙僕參申脉連金門京骨束骨又通谷小指  
外側至陰續

足少陰穴二十七湧泉然谷太谿溢大鍾照海通水泉復  
溜交信築賓連陰谷橫骨大赫赫氣穴四滿中注立育  
俞商曲石關蹲陰都通谷幽門僻步即神封靈墟位神  
藏或中俞府既

九穴手厥陰天池天泉曲澤深郛門間使內關對大陵勞

宮中衝備

二十三穴手少陽關衝液門中渚旁陽池外關支溝會會  
宗三陽四瀆配天井上合青冷淵消燥膈會肩髃偏天  
膠天牖同翳風瘰脉顙息角孫通耳門禾膠絲竹空

少陽足經童子膠四十三穴行迢迢聽會客主領厭集懸  
顙懸釐曲髮翹率谷天衝浮白次竅陰完骨本神全陽  
白臨泣開目窓正營承靈及腦空風池肩井淵液長輒  
筋日月京門當帶脉五樞維道續居竅環跳下中瀆陽  
關陽道復陽交外丘光明陽輔高懸鍾丘墟足臨泣地  
五俠谿竅陰畢

足肝經十三穴大敦行間大冲列中封蠡溝及中都膝關  
曲泉膝內微陰包五里上陰廉章門期門貢上鬲

督脉背中行二十七穴始長強腰俞陽關命門當懸樞脊  
中連筋束至陽靈臺神道長身柱陶道大椎俞膂門風  
府腦戶俱強間後頂百會前前頂顙會上星圓神廷素  
膠水溝裏兌端巔交斯已矣

任脉分三八起於會陰上曲骨中極關元到石門氣海陰  
交神闕立水分下脘循建里中脘上脘巨闕起鳩尾中  
庭臍中萃玉堂紫宮樹華蓋璇璣天突廉泉清上願還  
以承漿承

右十四經穴歌順經編叶有起止次序滑氏所撰者  
比之徐廷瑞周身經穴賦過之遠矣

### 十四經步穴歌

太陰肺步出中府雲門之下一寸許雲門氣戶旁二寸人

迎之下二骨數天府腋下三寸求夾白肘上五寸主尺  
澤肘中約文論孔最腕中七寸 取列缺腕側一寸

半經渠寸口陷中

是太淵掌後橫紋頭魚際節後

大指

本節後

散脉舉少商大指內側端此穴若鍼疾減愈

手陽明經屬大腸食指內側起商陽本節前取二間定本  
節後取二間強岐骨陷中尋合谷陽谿腕中上側詳腕後  
三寸是偏歷五寸之中溫溜當下廉上廉各一寸上廉此  
下一寸方屈肘曲中曲池得池下二寸三里場肘竅大骨  
外廉陷五里肘上三寸量臂臑髃下一寸取肩髃肩端兩  
骨當巨骨肩端又骨內天髀缺盆之上鍼扶突曲頰下一  
寸和髃五分水溝傍鼻孔兩傍各五分左右二穴皆迎香  
○胃之經兮足陽明承泣目下七分尋四白一寸不可深

巨髕鼻孔傍八分地倉夾吻四分近大迎曲頰車前三  
頰車耳下八分針下關耳前動脉者頭維本神寸五取人  
迎喉傍大脉真水突在頸大筋下直至氣舍上人迎氣舍  
迎下挾天突缺盆橫骨陷中親氣戶俞府傍二寸至乳六  
寸又四八庫房空弱膺窓近乳中正存乳頭心次有乳根  
出乳下各一十六不相侵穴夾幽門一寸五是穴不容依  
法數其下承滿至梁門關門太乙從頭舉節次續排滑肉  
門各各一寸爲君數天樞穴在夾臍傍外陵下一寸當  
二寸大巨五水道歸來七寸以尋將氣冲曲骨傍三寸來  
下氣衝脉中央髀關免後六寸分伏兔市上三寸強陰市  
膝上三寸許梁丘二寸得其塲膝臑肝上尋犢鼻膝下三  
寸求三里里下三寸上廉地條口上廉下一寸下廉條下



一寸係豐隆下廉外一寸上踝八寸分明記解谿衝陽後寸半冲陽陷上二寸係陷谷内庭後二寸内庭次指外間是厲兌大指次指端去爪如韭胃所起

拇指内側隱白位大都節後陷中起太白核骨下陷中公孫節後一寸至商丘有穴屬經金踝下微前陷中是内踝三寸三陰交漏谷一寸有次第膝下五寸爲地機陰陵内側膝輔際血海分明膝膕上内廉内際二寸地箕門血海上六寸筋門動脉須詳諦冲門五寸大橫下三寸三分尋府舍腹結橫下寸三分大橫挾臍非比假腹哀寸半去日月直與食竇相連亞食竇天谿及胸鄉周榮各一寸六者大包淵液下三寸出九肋間當記也少陰心起極泉中腋下筋間脉入臂青靈肘節上三寸少海肘内節後容靈道

掌後一寸半通理腕後一寸同陰郄五分取動脈神門掌後兌骨隆少府節後勞宮直小指內側取少冲

手小指端爲少澤前谷外側節前索節後陷中尋後谿腕骨陷前看外側腕中骨下陽谷討腕上一寸名養老支正腕後量五寸少海肘端五分好肩貞脾下兩骨解臑俞大骨之下保天宗骨下有陷中秉風髃後舉有空曲垣肩中曲臑陷外俞臑後一寸從肩中二寸大杼傍天窓頰下動脈詳天容耳下曲頰後顴髃面頰兌端量聽宮耳端大如菽此爲小腸手太陽

足太陽弓膀胱經目背內角始睛明眉頭陷中攢竹名曲差二穴神廷伴五處挨排夾上星承光五處後寸半通天絡却亦停勻王枕橫夾於腦戶尺寸當准銅人經天柱夾

項後髮際大筋外廉陷中是夾脊相去寸五分大杼大椎  
二風門肺俞三椎厥陰四心俞五椎之下論更有膈俞相  
梯級第七椎下隱然立第八椎下穴無有肝俞數椎當第  
九十椎膽俞脾十一十二椎下胃俞取三焦腎俞次第下  
十三十四兩椎主大腸俞在十六椎小腸十八椎下止十  
九椎下尋膀胱中膂內俞椎二十白環二十一椎當上髎  
次髎中與下一空二空夾腰膂並同夾脊四箇髎載在千  
金君勿訝會陽陰尾兩旁分寸須看督脉分第椎二下  
外附分夾脊相去古法云先從脊後量三寸不是灸狹能  
傷筋腧戶三椎膏肓四四五三分分明是第五椎下索神  
堂第六譙譙兩穴出膈關第七魂門九陽綱意舍十十一  
胃倉育門屈指彈推看十二與十三志室次之爲十四包

育十九合詳參秩邊二十椎下詳承扶髀陰紋中火腓門  
承扶六寸直浮郄一寸上委陽委陽却與殷門並腓中外  
廉兩筋鄉委中膝腘約紋裏此下三寸尋合陽承筋腓腸  
中央是承山腓下分肉傍飛陽外踝上七寸附陽踝上三  
寸量金門正在外踝下崑崙踝後跟骨中僕參跟骨下陷  
是申脉分明踝下容京骨外側大骨下束骨本節後陷中  
通谷本節前陷是至陰小指外側逢

腎經起處有所湧泉屈足捲指取然谷踝前大骨下踝  
後跟上太谿府谿下五分尋大鍾照海踝下陰蹻生踝上  
二寸復溜名溜前筋骨取交信亦曰踝上二寸行築賓六  
寸腓分處陰谷膝內著骨輔橫骨有陷如仰月大赫氣穴  
四滿據中注育俞正夾臍六穴五寸各一數商曲石關上

陰都通谷幽門一寸居幽門半寸挾巨闕步即神封過靈墟神藏或中至俞府各一寸六不差殊欲知俞府居何分璇璣之下各二寸

厥陰心包何處得乳後一寸天池索天泉腋下二寸求曲澤內紋尋動脉却門去腕五寸通間使腕後三寸逢內關去腕終二寸大陵掌後兩筋中勞宮屈中名指取中指之末取中衝

三焦名指外關冲小次指間名液門中渚次指本節後陽池表腕上陷存腕上二寸外關絡支溝腕上三寸約會宗腕後三寸空湏詳一寸毋令錯肘前五寸臂大脉外廉陷中三陽絡四瀆骨外並三陽天井肘上一寸側肘上二寸清冷淵消灤臂外肘分索臑會肩頭三寸中肩髃肩端髃

上通天髖盆上共骨際天牝傍頸後天容醫風耳後肖骨  
陷瘼脉耳後鵝足逢顛顛耳後青絡脉角孫耳郭開有空  
絲竹胃後陷中看和窠耳前兌髮同耳門耳珠當耳缺此  
穴禁灸分明說○少陽膽經髖起外耳前陷中尋聽會上  
關耳前開口空懸髖腦空下廉揣懸顛正曲角端領厭腦  
空上廉看曲髮偃正尖上邊率谷曲髮半寸安本神耳上  
入髮際四分平橫向前是曲髮之旁各一寸陽白眉上一  
寸記臨泣有穴當兩目直入髮際五分屬目窓正營各一  
寸承靈靈後寸五錄天冲耳上二寸居浮白髮際一寸符  
竅陰枕下動有穴完骨耳後四分通腦空正夾玉枕骨風  
池后髮際陷中肩井大骨前寸半淵液脉下三寸按輒筋  
平前却一寸期門在肋第二端日月期下五分斷京骨鹽

骨腰間看帶脉季肋寸八分五摠帶下三寸間維道五寸二分得居窮八寸三分尋環跳髀樞死死論膝下五寸中瀆搜陽關陽陵上三寸陽陵膝下一寸求陽交外踝鍼七寸踝上六寸尋外丘光明除踝上五寸陽輔髀下四寸收懸鍾三寸卽絕骨丘墟踝前陷中出臨泣寸半后夾谿地五會穴一寸灸夾谿小次岐骨間竅陰足小次指端

大敦拇指看毛聚行間縫尖動脉處節後有絡豆五會大衝之脉堪承據中封正在內踝前蠡溝踝上五寸注中都正在復溜宮陰陵膝尖兩折中內踝之上二寸詳少陰相直衝骨中膝關犢鼻下二寸曲泉紋頭兩筋逢陰包四寸膝臚上內廉筋間索其當五里氣衝內寸半直下三寸陰股向陰廉穴在橫紋膞章門臚下二寸量橫取八寸看兩傍

期門乳旁各一寸直下二寸二肋詳此足厥陰肝經鄉  
督脉齟交唇上鄉兌端正在唇中央水溝鼻下溝中索素  
膠立向鼻端詳頭形北高而南下先以前後髮際量分爲  
一尺有二寸髮上五分神廷當廷上五分上星位顙會星  
上一寸強上至前頂 上寸半寸半百會頂中央後頂強  
間腦戶三相去各是一寸五後髮五分定瘰門門上五分  
是風府上有大椎下尾骶分爲二十有一椎古來自有折  
量法靈樞分明不可數九寸八分分之七二之七節如是  
椎大椎第一節上是二椎節下陶道知身柱第三椎節下  
神道第五不須疑靈臺第六至陽七筋縮第九椎下思脊  
中懸樞命門穴十一十三十四節陽關鎮住十六椎二十  
一下腰俞窺其下長強伏地取此穴鍼之痔根愈



任脉會陰兩陰間曲節臍下毛際安中極臍下四寸取三寸關元二石門氣海臍下一寸半陰交臍下一寸論分明臍內號神關水分一寸復上列下脘建里中上脘各各一寸爲君說巨關上脘上一寸半鳩尾蔽骨五分按中庭臍中寸六分臍中兩乳中間看玉堂紫宮及華蓋相去各寸六分筭華蓋璇璣一寸量璇璣突一寸當天突結下宛宛取廉泉額下骨尖傍承漿頤前唇稜下任脉之部宜審詳石十四經步穴歌原用銅人穴編叶今以十四經發揮爲主有繁多者皆去之如翳目俞風市羊矢之類是也

### ○十二經脉歌

手太陰肺中焦生下絡大腸山貴門上鬲屬肺從肺系系橫出腋膈中行肘臂寸口生魚際大指內側爪甲根支絡

還從腕內出接次指屬陽明經○此經多氣而少血是動  
則病咳與嗽肺脹膨欬盆漏兩手交替爲臂厥所生病  
者爲氣嗽喘欬煩心胃滿結脇臂之外前腰痛小便頻數  
掌中熱氣虛者背痛而寒氣盛亦疼風汗出欠伸少氣不  
足息遺矢無度溺色赤

陽明之脉手大腸次指內側起商陽循指上連出合谷兩  
筋歧骨循臂肘入肘外廉循臑外有端前廉柱骨旁從有  
下入缺盆內絡肺下膈屬大腸支從缺盆直上頸斜貫頰  
前下齒當環出入中交左右上夾鼻孔注迎香○此經氣  
盛血亦盛是動頰腫并齒痛所生病者爲衄衄目黃口乾  
喉痺生大指次指難爲用肩前臑外痛相仍氣有餘者脉  
熱腫虛則寒慄病偏癰

胃足陽明交鼻起下循鼻外下入齒還出夾口繞承漿頤  
後大迎頰車裏耳前髮際至額顙支下入迎缺盆底下南  
入胃絡脾宮直者缺盆下乳內一支幽門循腹中下行直  
合氣衝逢遂由脾關抵膝膕附臑中指內關同一支下膝  
注三里前出中指外關通一支別走足跗指大指經盡矣  
○此經多氣復多血是動欠伸面頰黑淒淒惡寒畏見人  
忽聞木音心驚惕登高而歌棄衣走甚則腹脹乃黃響凡  
此諸疾皆脾厥所生病者為狂瘡濕溫汗鼻流血口喝唇  
裂又喉痺膝膕疼痛腹脹結氣膺伏菟臑外廉足跗中指  
頓痛微有餘消穀溺色黃不足身前寒振慄胃房脹滿食  
不消氣盛身前皆有熱

太陰脾起足大指上循內側白肉際核骨之後內髁前上

原缺

脾循脰脰裹股內前廉入腸中屬脾絡胃絡胃與脾通  
行連舌散舌下支絡從胃注心宮○此經氣盛而血衰足  
動其病氣所爲食入卽吐胃脘痛更兼身體痛難移腹脹  
善噫舌本強得後與氣快然衰所生病者舌亦痛體重不  
食亦如之煩心心下仍急痛泄水溇瘕寒瘕隨不卧強立  
股膝腫疽發身黃大指痠

手少陰起心中下鬲直與小腸通支者還從肺系走直上  
喉嚨繫目瞳直者上肺出腋下臑後肘內少海從臂內後  
廉抵掌中兌骨之端注少冲○多氣少血屬此經是動心  
脾痛難任渴欲飲水咽乾燥所生脇痛目如金脇臂之內  
後廉痛掌中有熱向經尋

手太陽經小腸脉小指之端起少澤循手外廉出踝中循

臂骨出肘內側上循肘外出後廉直過肩解繞肩胛交肩  
下入缺盆內向腋絡心循咽嗑下南抵胃脘小腸一支缺  
盆貫頸頰至目兌皆却入耳復從耳前仍上頰抵鼻外至  
目內眥斜絡於顴別絡接○此經少氣還多血是動則病  
痛咽嗑頰下腫兮不可顧肩如拔兮臑似折所生病兮主  
有聾耳聾目黃腫腮頰肘臂之外後廉痛部分猶當細分  
別

足太陽經膀胱脉目內眥上起顴尖支者顙上至耳角直  
者從顙腦後懸絡腦還出別下頭仍循肩髃俠脊邊抵腰  
脊腎膀胱內一支下與後陰連貫臂斜入委中穴下支膊  
內左右別貫胛夾脊過髀樞臂內後廉臑中合下貫膈內  
外踝後京骨之下指外側○是經血多氣少也是動頭

不可當項如拔舌腰似折髀攣痛微脊中央腦如結舌  
如裂是爲髀厥筋乃傷所生瘡時小指癢頭顙頂痛目色  
黃腰尻腦脚疼連臂淚流鼻衄及癲狂

足經腎脉屬少陰小指斜趨湧泉心然谷之下內踝後別  
入跟中腓內侵出腦內廉上股內貫脊屬腎膀胱臨直者  
屬腎貫肝鬲入肺循喉舌本尋支者從肺絡心內仍至腦  
中部分深○此經多氣而少血是動病飢不欲食喘噦唾  
血喉中鳴坐而欲起面如垢目視眈眈氣不足心懸如饑  
常惕惕所生病者爲舌乾口熱咽痛氣貫逼股內後廉并  
脊疼心腸煩痛疽而泝痿厥嗜卧體怠惰足下熱痛皆腎  
厥

手厥陰心主起胸屬包下鬲三焦宮支者循胸出脇下脇

下連腋三寸同仍上抵腋循臑內太陰少陰兩經中指透中冲支者別小指次指絡相通○是經少氣原多血是動則病手心熱肘臂攣急腋下腫甚則胸脇支滿結心中澹澹或大動善笑目黃面赤色所生病者爲心煩心痛掌熱病之則

手經少陽三焦脉起自小指次指端兩指岐骨手腕表上出臂外兩骨間肘後臑外循肩少陽之後交別傳下入缺盆臆中分散絡心包膈裏穿支者臆中缺盆上上項耳後耳角旋屈下至頤仍注頰一支出耳入耳前却從上關交曲頰至目內眥乃盡焉○斯經少血還多氣是動耳鳴喉腫痺所生病者汗自出耳後痛兼目銳眥有膿肘臂外皆疼小指次指亦如廢



足脉少陽膽之經始從兩目銳眥生抵頭循角下耳後腦  
空風池次第行手少陽前至肩上交少陽右上缺盆支者  
耳後貫耳內出走耳前銳眥循一支銳眥六迎下合手少  
陽抵項根下加頰車缺盆合入胃貫膈絡肝經屬膽仍從  
脇裏過下入氣衝毛際榮橫入髀厭環跳內直者缺盆下  
腋膺過季脇下髀厭內出膝外廉是陽陵外輔絕骨髀前  
過足跗小指次指分一支別從大指去三毛之際接肝經  
○此經多氣而少血是動口苦善太息心脇疼痛難轉移  
面塵足熱體無澤所生頭痛連銳眥缺盆腫痛并兩腋馬  
刀挾癭生兩傍汗出振寒瘡瘻疾胸脇髀膝至胫骨絕骨  
踝痛及諸節

厥陰足脉肝所終大指之端毛際叢足跗上廉大衝分踝

前一寸入中封上踝交出太陰後循膈內廉陰股銜環繞  
陰器抵小腹夾胃屬肝絡膽逢上貫膈葉布脇肋頰喉頤  
頤目係同脉上巔會督脉出支者還生目系中下絡頰裏  
還唇內支者便從膈肺通○是經血多氣少焉是動腰疼  
僂仰難男疝女人小腹腫面塵脫色及咽乾所生病者爲  
胸滿嘔吐洞泄小便難或時遺溺并狐疝臨證還須仔細  
看

### 奇經八脉歌

督脉起自下極俞並於脊裏上風府過腦額鼻入齒交爲  
陽脉海都綱要○任脉起於中極底上腹循喉承漿裏陰  
脉之海任所謂○冲脉出包循脊中從腹會咽絡口唇女  
人成經爲血室脉並少陰之腎經與任督本於陰會三脉

並起而異行陽蹻起足之跟裏循外踝上入風池陰蹻內  
踝循喉益本足陽陰脉別支諸陰交起陰維脉發足少陰  
築實郤諸陽會起陽維脉太陽之郤金門是帶脉周回季  
脇間會於維道足少陽所謂奇經之八脉維繫諸經乃順  
常

### 流注指微賦

疾居榮衛扶救者鍼觀虛實與肥瘦辨四時之淺深取穴  
之法但分陰陽而豁谷迎隨逆順須曉血氣而升沉原夫  
指微論中積義成賦知本時之氣開說經絡之流注每披  
文而參其法篇篇之誓審尋履經而察其言字字之明論  
疑隱皆知實虛總附移疼住痛之有神鍼下獲安暴疾沉  
痼至危篤刺之勿誤詳夫陰日血引值陽氣流口溫鍼煖

牢濡深求諸經十二作數絡脉十五爲周陰俞六十箇主  
陽穴七二府收刺陽經者可卧鍼而取奪血絡者先俾措  
而柔呼爲迎而吸作補逆爲鬼而從何憂淹疾延患著灸  
之由躁煩藥餌而難拯必取八會癰腫奇經而畜邪穢醜  
砭瘰况乎甲膽乙肝丁心壬水生我者號母我生者名子  
春井夏榮乃邪在秋經冬合乃刺矣犯禁忌而病復用日  
衰而難已孫絡在於肉分血行出於支裏悶昏鍼運經虛  
補絡湏然疼實癢虛瀉子隨母要指想夫先賢迅効無出  
於鍼今人愈疾豈難於醫徐文伯瀉孕於死內斯由甚速  
范九思療咽於江夏聞見言希大抵古今遺跡後世皆師  
王纂鍼魅而立康懶從被出秋夫療鬼而鍼効竟免傷悲  
旣而感指幽微用鍼直訣竅齊於筋骨皮肉刺要痛察於

久新府藏寒熱接氣通經短長依法裏外之絕羸盈必別  
勿刺大勞使人氣亂而神隳慎妄呼吸防他鍼昏而閉血  
又以常尋古義由有藏機遇高賢真趣則超然得悟逢達  
人示教則表我扶危男女氣脉行分時合度養子時尅注  
穴須依今詳定療病之宜神鍼法式廣搜難素之秘密文  
辭深考諸家之肘函妙臆故稱瀘江流注之指微以為後  
學之規

右流注指微賦寶桂芳撰次今自子午流注鍼經輯錄  
於此

標幽賦

拯救之法妙用者鍼察歲時於天道定形氣於予心春夏  
瘦而刺淺秋冬肥而刺深不窮經絡陰陽多逢刺禁既論

臟腑虛實須向經尋原夫起自中焦水初下漏太陰爲始至厥陰而方終穴出雲門抵期門而最後正經十二別絡走三百餘支正側偃伏氣血有六百餘候手足三陽手走頭而頭走足手足三陰足走腹而胸走手要識迎隨須明逆順况乎陰陽氣血多少爲最厥陰太陽少氣多血太陰少陰少血多氣而又氣多血少者少陽之分氣盛血多者陽明之位先詳多少之宜次察應至之氣輕滑慢而未來沉濡緊而已至既至也量寒熱而留疾未至也據虛實而痛氣氣之至也如魚吞鈎餌之浮沉氣未至也如閑處幽堂之深邃氣至速而効速氣遲至而不治觀夫九鍼之法毫鍼最微七星可應衆穴主持本形金也有蠲邪扶正之道短長水也有決疑開滯之機定刺象木或邪或正口藏

此火進陽補瀝微機捫而可塞以象土寔應五行而可知  
狀是一寸六分包含妙理雖細擬於毫髮同貫多岐可平  
五藏之寒熱能調六腑之虛實拘攣閉塞遺八邪而去矣  
寒熱痛痺開四關而已之凡刺者使本神朝而後入既刺  
也便本神定而氣隨神不朝而勿刺神已定而可施定脚  
處取氣血爲主意下手處認水木是根基天地人三才湧  
泉同璇璣百會上中下三部也大包與天樞地機陽蹻陽  
維并督脉主肩背要腿在表之病陰蹻陰維任衝帶去心  
腹脇肋在裏之疑二陵二蹻二交似續而交五大兩間兩  
商兩井相依而列兩步足見取穴之法必有分寸先審自  
意次觀肉分伸屈而得之或平直而安定在陽部筋骨之  
側陷下爲真在陰分却腦之間動脉相應取五穴用一穴

而必端取三經用一經而可正頭部與有部詳分督脉與  
任脉異一作易定明標與本論刺深刺淺之經住痛移疼取  
相交相貫之選豈不聞臟腑病而求門海俞募之微經絡  
滯而求原別交會之道更窮四根三結依標本而刺無不  
痊但用八法五門分主客而鍼無不効八脉始終連八會  
本是紀綱一二經絡十二原是謂樞要一日取六十六穴  
之法方見幽微一時取一十二經之原始知要妙原夫補  
瀉之法非呼吸而在手指速効之功要交正而識本經交  
經繆刺左有病而右畔取瀉絡遠鍼頭有病而脚上鍼巨  
刺與繆刺各異微鍼與妙刺相通觀部分而知經絡之虛  
實視浮沉而辨臟腑之寒溫且夫先令鍼耀而慮鍼損次  
藏口內而欲鍼溫目無外視手如握虎心無內慕如待貴



入左手重而多按欲令氣散右手輕而徐入不痛之因空  
心恐怯直立則而多暈背目沉插坐卧平而沒昏推於十  
千十變知孔穴之開闔論其五行五臟察時日之旺衰伏  
如橫弩應若發機陰交陽別而定血暈陰蹻陰維而下胎  
衣痺厥偏枯迎隨俾經絡接續漏崩帶下溫補使氣血依  
歸靜以久留俾鍼待之必准者取照海治喉中之閉塞端  
的處用大鍾治心內之呆癡大抵疼痛實瀉痺麻虛補體  
重即痛而俞居心下否痛而井主心脹咽痛鍼大衝而必  
除脾冷胃疼瀉公孫而立愈胸滿腹瀉刺內關脇疼肋痛  
鍼飛虎筋攣骨痛而補夢門體熱勞嗽而瀉臍戶頭風頭  
瀉刺申脉與金門眼痒眼淚瀉光明於地五瀉陰郄止盜  
汗治小兒骨蒸刺偏歷利小便腎大入水壺中風環跳而

宜刺虛損天樞而可取由是午前卯後太陰生而疾溫離  
左酉南月死朔而速冷循捫彈努留吸母而堅長爪下伸  
提疾呼子而虛短動退空歡迎奪右而瀉涼推內進搓隨  
濟左而補煖慎之大九疔疾色脉不順而莫鍼寒熱風陰  
饑飽醉勞而切忌望不補而晦不瀉弦不奪而朔不濟精  
其心而窮其法無灸艾而壞其干正其理而求其原免投  
鍼而失其位避灸處而和四肢四十有九禁刺處而除六  
腑二十有二抑又聞高皇抱疾未差李氏刺巨闕而復甦  
太子暴死爲厭越人鍼會維而復醒肩井曲池甄權刺臂  
痛而復射懸鍾環跳華佗刺蹠足而立行秋夫鍼腰俞而  
免免沉痾王纂鍼交俞而妖精立出取肝俞與命門使瞽  
士視秋毫之末刺少陽與交別悍悍夫聽夏的之聲嗟矣

去聖愈遠此道漸墜或不得意而散其學或愆其能而  
禁忌庸愚智淺難契於玄言至道淵深得之者有幾偶  
斯言不敢示知明達者焉庶幾乎童蒙之心啓

右標幽賦竇漢卿所撰今自鍼經指南表錄於此

通玄指要賦

必欲治病莫如用鍼巧運神機之妙工開聖理之深外取  
砭鍼能蠲邪而輔正中含水火善回陽而倒陰原夫絡別  
支殊經交錯綜或溝渠豁谷以岐異或山海丘陵而隙共  
斯流汎以難睽在條綱而有統理繁而昧縱補瀉以何功  
法捷而明自迎隨而得用且如行步難移太衝最奇又中  
除脊贅之強痛神門去心性之呆癡風傷項急始末於風  
府頭暈日眩要覓於風池耳閉須聽會而治也

谷以推之胸結身黃取湧泉而即可腦昏目赤瀉腹竹以  
便宜但見若兩肘之拘攣仗曲池而平掃牙齒痛已如  
治頸項強承漿可保太白宣道於氣衝陰陵關通於水通  
腹腹而脹奪內廷以休連筋轉而疼瀉承山之在早大拉  
脚腕痛崑崙解愈肝膝痛陰市能醫癰腫癰狂兮癰後  
而料理癰生寒熱兮仗間使以扶持期門癰滿血膨而  
可以勞宮退胃翻心痛以何疑稽夫大敦去七疔之偏疼  
王公謂此三里却五勞之羸瘦華佗言斯國知腕骨祛黃  
然谷瀉腎行間治膝腫腰疼尺澤去肘疼筋緊目昏不見  
二間宜取鼻塞無聞迎香可引肩井除兩脚難任絲竹空  
療偏頭疼不忍咳嗽寒痰利缺憾憑膝暖冷決臨泣先健  
體骨將腿疼以祛殘腎俞肥腰疼而瀉蠡以見諸人治

厥於會維隨手而甦文伯鴻死胎於三陰應鍼而墮所謂  
諸痛爲實但脉曰虛實則自外而入也虛則自內而出歟  
是故濟母而裨其不足奪子而平其有餘觀一十七之經  
絡一一明辨據四百四之疾證件件皆除故得天枉都無  
躋斯民於壽域幾微以判彰徃古之玄書抑又聞心胃病  
求掌後之大陵肩背疼責肘前之三里冷痺腎餘取足陽  
明之士連臍腹痛瀉足少陰之水脊間心後者鍼中渚而  
立痊脇下肋邊者刺陽陵而卽止頭項痛擬後谿以安然  
腰脚疼在委中而已矣夫用鍼之士於此理苟明者焉收  
祛邪之功而在乎撚指

右流左指要賦羅謙甫謂實子聲裁就今自衛生寶鑑  
表錄於此所可疑者舊註牙齒痛呂細堪治云呂細勝

脫經一名太谿今按資生經千金銅人俱無太谿爲呂細  
別名而太谿爲足少陰腎經非膀胱經也

靈光賦

黃帝岐伯鍼灸訣依他經裏分明說二陰三陽十二經更  
有兩經分八脉靈光典註極幽深偏正頭疼瀉列缺睛明  
治眼弩肉攀耳聾氣否聽會間兩鼻輪切鍼禾郛鼻塞不  
聞迎香間治氣上壅足三里天突宛中治喘痰心疼手顫  
鍼少海少澤應除心下寒兩足拘攣寬陰市五般腰痛委  
中安脾俞不動瀉丘墟復溜治腫如神醫憤鼻治療風邪  
痰住喘脚痛崑崙愈後跟痛在僕參求承山筋轉并久痔  
足掌下去尋湧泉此法千金莫妄傳此穴多治婦人疾男  
盡女孕兩病痊百會鳩尾治痢疾大小腸俞大小便氣海

血海療五林中腕下腕治腹堅傷寒過經期門愈氣刺兩  
乳求太淵大敦二穴主偏墜水溝間使治邪顛吐血定喘  
補尺澤地倉能止兩流涎勞宮醫得身勞倦水腫水分灸  
即安五指不伸中渚取煩車可鍼牙齒愈陰蹻陽蹻兩踝  
邊脚氣四穴先尋取陰陽靈泉亦主之陰蹻陽蹻與三里  
諸穴一般治脚氣在腰玄機宜正取膏肓豈止治百病灸  
則玄切病須愈鍼灸一穴數病除學者尤宜加子細悟得  
明師流注法頭目有病鍼四肢鍼有補瀉明呼吸穴應五  
衍順四時悟得人身中造化此歌依舊是荃蹄

右靈光賦總靈光典註而成不知誰氏所作今自鍼灸  
大全表錄於此

凡欲行鍼須審穴要明補瀉迎隨訣留針左右不相同呼  
吸陰陽男女別氣刺兩乳求太淵未應之時寫列缺列缺  
頭疼及偏正重瀉太淵無不應耳聾氣否聽會鍼迎香穴  
無功如神誰知天突治喉風虛喘須尋三里中手連肩脊  
痛難忍合谷鍼時要大衝曲池兩手不如意合谷下鍼宜  
子細心疼手顫少海間若要除根覓陰市但患傷寒兩耳  
聾金門聽會疾如風五般肘痛尋尺澤太淵鍼後却收功  
手足上下鍼三里食癖氣塊憑此取鳩尾能治五般癰若  
下湧泉人不死胃中有積刺璇璣三里功多人不知陰陵  
泉治心胸滿鍼到承山飲食思大杼若連長強尋小腸氣  
痛卽行鍼委中專治腰間痛御膝腫時尋至陰氣滯腰疼  
不能立橫骨大都宜救急氣海專能治五淋更鍼三里隨



呼吸期門火主傷寒患六日過經无未汗但向乳根二肋  
間又治婦人生產難耳內蟬鳴腰欲折膝下明存三里穴  
若能補瀉五會間且莫向人容易說情明治眼未効時合  
谷光明安可缺人中治顛功最高十三鬼穴不須饒水鍾  
水分蒸氣海皮內隨鍼氣自消冷嗽先宜補合谷却須鍼  
瀉三陰交牙疼腰痛并咽痺二間陽谿疾怎逃更有三間  
腎俞妙善除肩背浮風勞若鍼肩井須三里不刺之時氣  
未調最是陽陵泉一穴膝間疼痛用鍼燒委中腰痛脚攣  
急取得其經血自調脚痛膝腫鍼三里懸鍾二陵三陰交  
更向太衝瀆引氣指頭麻才自輕飄飄筋目眩鍼魚腹承  
山崑崙立便消肚疼瀆是公孫妙內關相應必然瘳冷風  
冷痺疾難愈環跳腰間鍼與燒風府風池尋得到傷寒百

病一時消陽明二日尋風府嘔吐還須上脘療婦人心痛  
心隆穴男子痙瘳三里高小便不禁關元好大便閉澀大  
敦燒脘骨腿疼三里瀉復溜氣滯便離腰從來風府最難  
鍼却用工夫度淺深倘若膀胱氣未散更宜三里穴中尋  
若是七疝小腹痛照海陰交曲泉鍼又不應時求氣海關  
元同瀉效如神小腸氣撮痛連臍速瀉陰交莫在遲良久  
湧泉鍼取氣此中玄妙少人知小兒脫肛患多時先灸百  
會次鳩尾久患傷寒肩背痛但鍼中注得其宜肩上痛連  
臍不休手中三里便須求下鍼麻重卽須瀉得氣之時不  
用留腰連膝痛急必大便於二里攻其隘下鍼一瀉三補  
之氣上攻噎只管在噎不住時氣海灸定瀉一時立便瘥  
補自卯南轉鍼高瀉從卯北莫辭勞逼鍼瀉氣令須吸若

補隨呼氣自調左右撚鍼等子午抽鍼行氣自迢迢用鍼  
補瀉分明說更用搜窮本與標咽喉最急先百會太衝照  
海及陰交學者潛心宜熟讀席弘治病最名高

右席弘賦自鍼灸大全中表錄於此按席弘江西人家  
世以鍼灸相傳者

### 王龍賦

夫參博以爲要輯簡而含煩總王龍以成賦信金鍼以獲  
安原夫卒暴中風頂門百會腳氣連延里絕三交頭風鼻  
淵上星可用耳聾腮腫聽會偏高攢竹頭維治目疼頭痛  
乳根膺府療散氣痰哮喘風市陰市驅腿脚之乏力陰陵陽  
陵除膝腫之難熬二白腎疔漏間使勦瘡疾大敦去疝氣  
膏育補虛勞天井治瘰癧癰癰神門治呆癡笑咤咳嗽風

痰太淵列缺宜刺。疔癰喘促璇璣氣海。當知期門大敦能治堅。疔氣勞宮大陵可療心悶。瘡癰心悸虛煩刺三里。時疫瘡癰尋後谿絕骨三里陰交脚氣宜此。晴明太陽魚尾目證憑。眩老者便多命門。蕪腎俞而著。艾婦人乳腫少澤與太陽之可推。身柱蠲嗽能除腎痛。至陽卻疽善治神疲長強承山灸痔最妙。豐隆肺癰痰嗽稱奇。風門主傷胃寒邪之嗽。天樞理感患脾泄之危。風池絕骨而療手僂。倭人中曲池可治其委。偃期門刺傷寒未解。經不再傳。鳴尾鍼瀕顙已發。慎其妄施。陰交水分三里蠱脹宜刺。商丘解谿丘墟脚痛堪追。尺澤理筋急之不幸。腕骨療手腕之難移。肩脊痛兮五樞。魚於背絳肘臂痠兮尺澤合於曲池。風濕搏於兩肩有髃可療。壅熱盛乎三焦關冲最宜。手臂紅

腫中注液門要辨脾虛黃疸晚胃中腕何疑傷寒無汗攻  
復滿宜瀉傷寒有汗取合谷當隨欲調飽滿之氣逆三里  
可勝要起六脉之沉匿復留稱神照海支溝通大便之秘  
內廷臨泣理小腹之脂天突膻中醫喘嗽地倉頰車療口  
嚙迎香攻鼻塞爲最肩井除臂痛如拳二間治牙疼中魁  
理翻胃而卽差百勞止虛汗通里療心驚而不差大小骨  
空治眼爛能止冷淚左右太陽醫目疼善除血翳心俞腎  
俞治腰腎虛乏之夢遺人中委中除腰脊痛閃之難制太  
谿崑崙申脉最療足腫之逆湧泉關元豐隆爲治屍勞之  
例印堂治其驚搐神廷理乎頭風大陵人中頻瀉口氣全  
除帶脉關元多灸腎敗堪攻腿脚重疼鍼髌骨膝眼行步  
艱楚刺三里中封太冲取內關於照海醫腹疾之塊搐迎

香於鼻內消眼熱之紅肚痛秘結大陵合外關於文溝腿  
風濕痛居邪蕪環跳於委中上腕中腕治九種之心痛赤  
帶白帶求中極之異同又若心虛熱壅少冲明於濟奪目  
昏血溢肝俞辨其實虛當心傳之玄要究手法之疾徐或  
值挫閃疼痛之不定此爲難擬定穴之可祛輯管見以便  
讀幸高明而無哂諸

俗以玉龍歌爲扁鵲所撰蓋後人依托爲之者玉龍賦  
又總輯其要旨爾

### 攔江賦

擔截之中法數何有擔有截起沉痾我今作此攔江賦何  
用三車五輻歌先將八法爲定例流注之中分次第心胃  
之病內關擔臍下公孫用法攔頭部頂逢尋列缺痰涎壅

塞及咽乾禁口喉風鍼照海一按出血刻時安服目之  
諸疾苦更用臨泣使鍼擗後點專治督脉病癰狂此法治  
還輕申脉能除寒與熱頭風偏正及心驚耳鳴鼻衄胃中  
滿好用金鍼此穴尋但遇痺麻虛卽補如逢疼痛瀉而迎  
更有傷寒真妙訣三陰須要朝陽經無汗更將合谷補復  
溜穴瀉好用鍼倘若汗多流不絕合谷補收效如神四日  
太陽宜細辨公孫照海一般行再用內關施截法七日期  
門可用鍼但治傷寒皆用瀉要知素問坦然明流注之中  
八造化常將木火土金平春夏井榮宜刺淺秋冬經合更  
宜深天地四時同此數三才常用記心胃天地人部次第  
入仍調各部一般勻夫弱婦強亦有尅婦弱夫強亦有刑  
皆在本經擔輿截瀉南補北亦須明經絡明時知造化不

得師傳在用心不遇至人應不授天寶豈可付非人按定  
氣血病人呼重搓數十把鍼扶戰提提起向上使氣自流  
行病自無

右攔江賦不知誰氏所作今自凌氏所編集寫本鍼書  
表錄於此

肘後歌

頭面之疾鍼至陰腿脚有疾風府尋心胃有病少府瀉臍  
腹有病曲臍鍼肩背諸疾中渚下腰膝強痛交信憑脇肋  
腿又後谿妙股膝腫起瀉太衝陰核發來如升大百會妙  
穴真可駭頂心頭痛眼不開湧泉下鍼足安泰鶴膝腫勞  
難移步尺澤能舒筋骨疼更有一穴曲池妙根尋源流可  
謂停其患若要便安愈加以風府可用鍼更有手臂拘攣



急尺澤刺深去不仁腰背若患寒風曲池一寸五分攻  
五痔原因熱血作承山瀕下病無踪哮喘發來寢不得豐  
隆刺入三寸深在言盜汗如見老惺惺間使便下鍼骨寒  
髓冷火來燒靈解妙穴分明記瘧疾寒熱真可畏瀕知虛  
實可用意間使宜透支溝中大狂七壯合聖治連日頻頻  
發不休金門刺深七分是瘧疾三日得一發先寒後熱無  
他語寒多熱少取復瀕熱多寒少用間使或患傷寒熱未  
休牙關風壅藥難投項強反張目直視金鍼用意列缺求  
傷寒四肢厥逆冷脉氣無時仔細看神奇妙穴真有二復  
瀕半寸順骨行四肢回還脉氣浮瀕曉陰陽倒換求寒則  
瀕補絕骨是熱則絕骨瀉無憂脉若浮洪當瀉解沉細之  
時補便瀉百合傷寒最難醫妙法神鍼用意推口禁眼合

藥不下合谷一鍼効甚奇狐惑傷寒滿口瘡須下黃連犀  
角湯重在臟腑食肌肉須要神鍼刺地倉傷寒腹痛重尋  
食吐蚘爲梅可難攻十日九日必定死中脘回還胃氣通  
傷寒痞氣結胃中兩目昏黃汗不通湧泉妙穴三分許速  
使周身汗自通傷寒痞結脇積痛宜用期門見深切當汗  
不汗合谷瀉自汗發黃復溜憑飛虎一穴通痞氣祛風引  
氣使安寧剛柔二症最垂張了禁眼合面紅粧熱血流入  
心肺腑須要金鍼刺少商中滿如何去得根陰包如刺効  
如神不論老幼依法用須教患者便擗身打撲傷損破傷  
風先於痛處下鍼攻後向承山立作効甄權留下意無窮  
腰腿疼痛十年春應鍼不了便慳慳大都引氣探根本服  
此方枉費金脚膝經年痛不休內外踝邊用意求穴號

金井呂細應時消散卽時瘳風痺痠厥如何治大杼曲  
泉真是妙兩足兩脇蒲雞伸飛虎神灸七分到腰軟如何  
去得根神妙委中立見效

百證賦

百證俞穴再三用心願會連於玉枕頭風療以金鍼懸顙  
領厭之中偏頭痛止強間豐隆之際頭痛難禁原夫面腫  
匿浮須仗水溝前頂耳聾氣閉全憑聽會翳風面上虫行  
有驗迎香可取耳中蟬噪有聲聽會堪攻目眩兮支正飛  
揚目黃兮陽綱膽俞攀睛攻少澤肝俞之所淚出刺臨泣  
頭維之處目中漠漠卽尋攢竹三間目覺眈眈急取養老  
天柱觀其雀目汗氣晴明行間而細推審他項強傷寒溫  
瀉期門而主之廉泉中衝舌下腫疼堪取天府合谷鼻中

衄血宜追耳門絲竹空住牙疼於頃刻殞車地倉穴正口  
嚼於片時喉痛兮液門魚際去療轉筋兮金門丘墟未醫  
陽谷俠谿頷腫口禁並治少商曲澤血虛口渴同施通天  
去鼻內無聞之苦復溜祛舌乾口燥之悲癰門關冲舌緩  
不語而要緊天鼎間使失音聾而休遲太衝瀉唇密以  
速愈承漿瀉牙疼而卽移項強多惡風束骨相連於天柱  
熱病汗不出大都更接於經渠且如兩臂頑麻少海就傍  
於三里半身不遂陽陵遠達於曲池建里內關掃盡胃中  
之苦悶噤宮脾俞祛殘心下之悲嘔久知脇肋疼痛氣戶  
華蓋有靈腹內腸鳴下皖陷谷能平胃脇肢滿何療章門  
不用細尋膈疼飲蓄難禁腹中巨關便鍼胸滿更加壅塞  
中府意舍所行胸膈停滯瘀血腎俞巨膠宜微胃滿項強

神藏璇璣已試背連腰痛白環委中曾經脊強兮水道  
束日眩兮顙窳大迎瘥病非顙顙而不愈癰風須然谷而  
易醒凌陽天池腋腫鍼而速散後谿環跳腿疼刺而卽輕  
夢驚不寧騰兌相諧於隱白發狂奔走上腕同起於神門  
驚悸忙忡取陽交解谿勿悞反張悲笑仗天冲大橫須精  
顙疾必身柱本神之令發熱仗少冲曲池之津歲熱時行  
陶道復求中俞理風癰常發神道須還心俞寧濕寒濕熱  
下髎定厥寒厥熱湧泉清寒慄惡寒二間疎通陰郄暗煩  
心嘔吐幽門閉微玉堂明行間湧泉主消渴之腎竭陰陵  
水分去水腫之臍盈癰癰傳戶超臍戶膏肓之路中邪霍  
亂尋陰谷三里之程治疸消黃諧後谿營宮而看倦言者  
卧往通里大鍾而明咳嗽連聲肺俞須迎天突穴小便赤

蓋兌端獨瀉太陽經刺長強於承山善主腸風新下血鍼  
三陰於氣海專司白濁久遺精且如育俞橫骨瀉五淋之  
久積陰却後谿治盜汗之多出脾虛穀以不消脾俞膀胱  
俞覓胃冷食而難化覓門胃俞堪責鼻痔必取齮交癭氣  
須求浮白大敦照海患寒證而善燭五里臂臑生癰瘡而  
能至陰屋翳遍身癢疾之疼多有髀陽谿消隱風之熱極  
抑又論婦人經事改常自有地機血海女子少氣漏血不  
無交信合陽帶下產崩冲門氣冲宜審月潮遠限天樞水  
泉細詳肩井乳癰而極効商丘痔瘡而最良脫肛趨百會  
尾翬之所無子搜陰交石關之鄉中腕主乎積疝外丘收  
乎大傷寒瘡兮商陽太谿驗痰癖兮冲門血海強夫醫乃  
人之司命非心士而莫爲鍼乃理之淵微須至人之指教

先究其病源後攻其穴道隨手見功應鍼取效方知玄裏之玄始達妙中之妙此篇不盡畧舉其要

右肘後百證二賦不知誰氏所作辭頗不及於指微標幽曰百證者宜其曲盡百般病證鍼刺也而病名至多亦有所遺焉

### 天元大一歌

先師秘傳神應經太乙通玄法最靈句句言辭多典妙萬兩黃金學也輕每每不忘多効驗治病如神記在心口內將鍼多溫煖便觀患者審浮沉陰病用陽陽用陰分明便取陰陽神虛則宜補實宜瀉氣應真時病絕根氣至如擺獨龍尾未至停鍼宜待氣凡用行鍼先得訣席宏玄妙分明說氣刺兩乳求太淵未應之時列缺鍼列缺頭疼及偏

正重瀉太淵無不應耳。聾氣閉喘綿綿三里中手變脚背  
疼難忍合骨仍瀉瀉太衝曲池主手不如意合谷鉗時宜  
仔細心疼手顫少海間欲要除根鉗陰市若是傷寒兩耳  
聾耳門聽會疾如風五般肘疼鉗天澤冷淵一刺有神功  
手三里弓足三里食痞氣塊蕪能治鳩尾獨治五般癰若  
刺湧泉人不死大凡痲痞最宜鉗穴法從來著意尋以手  
按痲無轉動隨深隨淺向中心胃中有積取璇璣三里功  
深人不知陰陵泉主胃中滿若刺承山飲食宜大權若連  
長強取小腸氣疼立可愈氣沖妙手要推尋管取神鉗人  
見許委中穴主腰疼痛足膝腫時尋至陰乾濕風毒并滯  
氣玄機如此更尤深氣攻腰痛不能立橫骨大都宜救急  
流血攻注解若遲變爲風謔從此得氣海偏能治五州若



補三里効如神冷熱兩服皆治得便濁痼疾可除根期門  
穴主傷寒患七日過經亢未汗但於乳下雙肋間刺入四  
分人力健耳內蟬鳴腰欲折膝下分明三里穴若能補瀉  
五會中切莫逢人容易說牙風頭痛孰能調二間妙穴莫  
三逃更有三間神妙穴若治有背感風勞合谷下鍼順流  
上脾內隨鍼使氣朝冷病還瀉鍼合谷只宜脚下瀉陰交  
背瘦俱疼鍼肩井不瀉三里令人悶兩臂并脾俱疼痛金  
鍼一刺如聖神脚膝疼痛委中宜更兼寧急鋒鍼施陰陵  
泉穴如尋得輕行健步疾如飛腰腹脹滿治何難三里喘  
肚鍼承山更向太衝行補瀉指頭麻木一時安頭痛轉筋  
魚腹肚又治背疽及便毒再有妙穴陽陵泉腿轉筋急如  
神取腸中疼痛陰陵沃耳內蟬鳴總會招更尋妙穴太谿

是醫門行瀉實爲高浮沉腹脹水分瀉氣喘息麓瀉三里  
更於膝中陰谷鍼小便淋漓背消盡環跳能除腿股風冷  
風膝痺瘡疾同最好風池尋的穴間使雙刺有神功傷寒  
一日調風府少陽二穴風池取三五七日病過經依此鍼  
之無不應心疼嘔吐上腕宜豐隆兩穴更無疑蛇虫併出  
傷寒病金鍼直刺顯明醫男子痰癰取少商女人血氣陰  
交當虛盜二汗須宜補委中妙穴可傳揚項強腫痛屈伸  
難更兼體重腰背癱宜向束骨三里取教君頃刻便開顏  
閃挫脊膂腰難轉舉步多難行重蹇偏體遊氣生虛浮復  
溜一刺人健羨又患腰痛背脾勞但尋中注穴中調行鍼  
用心須尋覓管取從今見識高腰背連膂痛不休手中一  
里穴堪求神鍼未出急須瀉得氣之時不用留小脹便避

最難醫氣海中極間使宜三里更須明補瀉下鍼斷乃  
毫厘

右天元太乙歌臞仙所撰今自神應經表錄於此

銅人指要賦

行鍼之士要辨浮沉脉明虛實鍼別淺深經脉絡脉之別  
巨刺繆刺之分經絡閉塞須用砭針疎導藏府寒溫必明  
淺深補瀉經氣之正自有常數漏水百刻五十度周經絡  
流注各應其時先脉訣病次穴繩疔左手插穴右手置鍼  
刺榮無傷衛刺衛無傷榮氣悍則鍼小而入淺氣濡則鍼  
大而入深氣滑出疾氣澁出遲深則欲留淺則欲疾候其  
氣至必辨於鍼徐而疾者實實而遲者虛虛則實之滿則  
泄之苑陳則除之邪勝則虛之刺虛者須其實刺實者須

其虛經氣已至慎守勿失謹守其法勿更變也賊邪新客  
未有定處推之則前引之則止其來不可逢其往不可追  
損其有餘補其不足先去血脈而後調之無問其病以平  
爲期若有若無若得若失五歲以定九候以備診脈病明  
行鍼病愈衆脈不見衆凶不聞外內相得無以形先可玩  
往來乃拖於人手動若務鍼耀而勻伏如橫弩起於發機  
見其烏鳥見其稷稷從見其飛不知其誰靜意是義觀適  
之變是謂真真莫知其形如臨深淵手如握虎如待所貴  
不知日暮其氣已至適而自護五虛勿近五實不遠捫而  
循之切而散之推而按之彈而弩之爪而下之通而取之  
陰募在腹陽俞在背藏病取原府病取合藏病府募治府  
募治府病出入導氣補瀉同精善行水者不能注水善治

地者不能斲濇權衡以平氣口成寸以決死生飲食入胃  
游溢精氣上輸於脾胃氣散精上歸於肺通調水道下輸  
膀胱食氣入胃散精於肝淫氣於筋食氣入胃濁氣歸心  
淫精於肺五勞五痺九氣七情六淫六府九竅九州四氣  
三因傷風傷寒雜病奇病婦人小兒盛則瀉之虛則補之  
不盛不虛以經取之

右銅人指要賦多取內經詞語末後權衡以平文不相  
屬

### 禁鍼穴歌

禁鍼穴道要先明腦戶顙會及神庭絡却玉枕角孫穴顙  
承泣隨承靈神道靈臺臆中忌水分神闕并會陰橫骨氣  
冲手五里箕門承筋并青靈更加臂上三陽絡二十二穴

不可鍼孕婦不宜鍼合谷三陰交內亦通論石門鍼灸應  
須忌女子終身無姙娠外有雲門并鳩尾缺盆客主人臑  
深肩井深時人悶倒三里急補人還平

### 禁灸穴歌

禁灸之穴四十五承光瘕門及風府天柱素窵臨泣上睛  
明攢竹迎香數和髎顙窵絲竹空頭維下關與脊中肩貞  
心俞白環俞天牖人迎共乳中周榮淵液并鳩尾腹哀少  
商魚際位經渠天府及中冲陽關陽池地五會隱白漏谷  
陰陵泉伏菟髀關委中穴發門申脉承扶忌

### 行鍼指要歌

或鍼風先向風門氣海中或鍼水水分夾臑臑邊取或鍼  
結鍼著大腸瀉水穴或鍼勞瀕向風門及膏肓或鍼虛氣

此冊由委中奇或鍼氣曹中一穴分明記或鍼嗽肺俞風  
門須用灸或鍼痰先鍼中脘三里間或鍼肚中脘氣海臍  
中補番胃吐食一般鍼鍼中有妙少人知

### 補瀉雪心歌

行鍼補瀉分寒熱瀉寒補熱須分別撚鍼向外瀉之方撚  
鍼向內補之訣瀉左須將大指前瀉右大指當後撚補左  
大指向前撚補右大指往下撚如何補瀉有兩般蓋是經  
絡兩邊發補瀉又要識迎隨隨則爲補迎爲泄古人補瀉  
左右分今人乃爲男女別男女經脉一般生晝夜循環無  
暫歇兩手陽經上走頭陰經臂走手指輟兩足陽經頭走  
足陰經足走腹中結隨則鍼頭隨經行迎則鍼頭迎經奪  
更有補瀉定呼吸呼吸瀉呼補真奇絕補則呼出却入鍼要

知鍼用三飛法氣至出鍼吸氣入疾而一退急捫穴瀉則  
吸氣方入鍼要知阻氣通身達氣至出鍼呼氣出徐而三  
退穴開捺莫向人前容易說

經脉交會八穴歌

公孫冲脉胃心胃內關陰維下總同臨泣膽經連帶脉陽  
維目銳外關逢后谿督內連皆頸申脉蹻絡亦相通列缺  
肺任行肺系陰蹻照海膈喉嚨

十五絡六歌

人身絡穴一十五我今逐一從頭舉手太陰絡爲列缺手  
少陰絡卽通里手厥陰絡爲內關手太陽絡支正是手陽  
明絡偏歷當手少陽絡外關位足太陽絡號飛陽足陽明  
絡豐隆記足少陽絡爲光明足太陰絡公孫寄足少陰絡



名大鍾足厥陰絡蠡溝配陽督之絡號長強陰任之絡號  
屏翳脾之大絡爲大包十五絡脉君須記

十二經脉晝夜流注歌

肺寅大卯胃辰經脾巳心午小未申膀胱腎心包戌亥  
三子膽丑肝通

十二原穴歌

甲出丘墟乙太冲丙歸腕骨是原中丁出神門原內過戊  
胃冲陽氣可通巳出太白庚合谷辛緣本出太淵同壬歸  
京骨期中過癸出太谿原穴逢三焦壬是陽池穴包絡大  
陵癸又重

八會穴

府會中脘藏章門筋會陽陵隨絕骨骨會大杼氣膻中血

會膈俞太淵脉

臟腑七募穴歌

肝募期門脾章門腎募京門心巨闕天樞關元大小腸膽  
募當記在日月

薛真人天星十一穴歌 三馬冊陽歌

三里內廷穴曲池合谷截委中配承山下至崑崙穴環跳  
及陽陵通里并列缺合擔用法擔合截用法截擔截常記  
取非人莫浪說三百六十五不出十一穴此法少人知金  
鎖都開徹治病顯奇功有如湯潑雪學者細推尋神功無  
盡竭○三里在膝下三寸兩筋間能通心腹脹善治胃中  
寒腸鳴并泄瀉腿脛膝腫痠傷寒羸瘦損氣蠱及諸般年  
過三旬後鍼灸眼有光○內廷次指外本屬足陽明能治

四肢厥喜靜惡聞聲癰咽喉痛數欠及牙疼氣虛不能  
食鍼著便惺惺○曲池拱手取屈肘骨邊求善治肘中痛  
偏風手不收挽弓開不得筋緩莫梳頭喉痺從欲死發熱  
更無休遍身風癰癰鍼著卽時廖○合谷在虎口兩指岐  
骨間骨痛并面腫瘡病熱還寒齒齲鼻衄血口禁不開言  
鍼入五分深令人卽便安○委中曲肘裏橫紋脉中央腰  
痛不能舉沉沉引脊梁痠疼筋痠展風痺發無常膝頭難  
伸屈鍼入卽安康○承山名魚腹腓腿分肉間善治腰疼  
痛痔疾大便難脚氣并膝腫展轉戰疼酸霍亂及轉筋穴  
中刺便安○大冲足大指節後二寸中動脉知生死能醫  
驚瀉風咽喉腹心脹兩足不能動七疝偏墜腫眼目似雲  
蒙亦能療腰痛鍼下有神功○崑崙足外踝跟骨上邊尋

轉筋腰尻痛暴喘滿冲心舉步行不得一動卽呻吟若欲求安穩須於此穴鍼○環跳在髀樞側卧屈足取腰折莫能顧冷風并濕痺腿膝連膈痛轉則重嗟吁若入鍼灸後頃刻痛消除○陽陵歸膝下外廉一寸中膝重并麻木冷痺及偏風舉足不能起坐卧似衰翁鍼入六分止醫功妙不窮○通里腕骨後一寸五分中欲言聲不出懊懷及怔忡實則四肢重頭腮而頰紅虛則不能食暴瘡面無容毫鍼微微刺方信有神功○列缺腕側上次指手交叉善療遍身風痺麻痰涎頻擁口口禁不開牙若能明補瀉應手速如拏

右十一穴薛氏以爲扁鵲所傳按司馬子長爲扁鵲作傳不言其有鍼書傳世蓋薛氏之依托也十一穴取以

治病捷要是矣必曰上應天十一列宿則鑿矣天有二一  
八宿而曰十一宿則謬矣

八法八穴歌

西江月調

九種心疼涎悶結胃番胃難停酒食積聚胃腸鳴水食氣  
疾膈病臍痛腹疼兼脇脹腸風瘧疾心疼胎衣不下血迷  
心泄瀉公孫立應○中滿心胃痞脹腸鳴泄瀉脫肛食難  
下隔酒來傷積塊堅橫脇搶婦女血痛心疼結胃裏急難  
當傷寒不解結胃堂瘡疾內關獨當○手足中風不舉痛  
麻發熱拘攣頭風痛腫項腮連眼腫赤痛頭旋齒痛耳聾  
咽腫浮風搔癢筋牽腿疼脇脹肋肢偏臨泣鍼時有驗○  
肢節腫痛臂冷四肢不遂頭風背脊內外骨筋攻頭項眉  
稜皆痛手足熱麻盜汗破傷眼腫睛紅傷寒自汗表烘烘

獨會外關爲重○手足急攣戰掉中風不語癰癩頭疼眼  
腫淚漣漣腿膝背腰痛遍項強傷寒不解牙齒腮腫喉咽  
手麻足麻破傷牽盜汗後谿先砭○腰背強痛腿腫惡風  
自汗頭疼雷頭赤目痛眉稜手足麻攣臂冷吹乳耳聾鼻  
衄癰顛肢節煩憎遍身腫滿汗頭淋申脉先鍼有應○痔  
瘡便腫泄利唾紅溺血咳痰牙痛喉腫小便難心胃腹疼  
飲噎產後發強不語腰痛血疾躄寒死胎不下隔中寒列  
缺乳癰多散○喉塞小便淋澀膀胱氣痛腸鳴食黃酒積  
復臍并嘔瀉胃番便緊難產昏迷積塊腸風下血常頻隔  
中決氣氣疔侵照海有功必定

宋徐秋夫療鬼病十三穴歌

人中神廷風府始舌縫承漿額車次少商大陵間使連乳

中陽陵泉有據隱白行間不可差十三穴是秋夫置

### 回陽九鍼歌

癰門勞宮三陰交湧泉大谿中腕接環跳三里合谷并此  
是回陽九鍼穴

### 四總穴歌

肚復三里留腰背委中求頭項尋列缺面口合谷收

### 六十六穴陰陽二經相合相生養子流注歌

甲時竅陰前陷谷丘虛陽谿委中續已合隱白魚際連太  
溪中卦少海屬○甲與已合○已合甲○甲膽竅陰井欬  
逆弗能息轉筋耳不聞心煩并舌強穴在竅陰分○小腸  
前谷燥熱病汗不出痰瘡及強癰白翳生於目刺其前谷  
痊○胃陷谷埡面目浮虛腫身心怯振寒須鍼陷谷穴休

作等閑看○垣虛原痿厥身難轉解樞痛不甦筋痠并脚痺當下刺垣墟○大腸陽谿經狂言如見鬼熱病厥煩心齒痛并瘡疥陽谿可下鍼○膀胱委中脊腰腫不能舉解樞脚痺風痿中神應穴鍼下便亨通○

乙時大敦少府始太白經渠陰谷止庚合商陽與通谷臨泣合陽合三里○乙與庚合○庚合乙○乙肝大敦耕卒疝小便數亡陽汗似淋血崩臍腹痛須向大敦鍼○心少府燥水氣胃中滿多驚恐懼人肘攣并掌熱少府效如神○脾太白輸煩心連臍脹嘔吐及便膿霍亂臍中痛神鍼太白攻○肺經渠經膨膨而喘嗽胃中急變暴痺足心熱經渠刺得安○腎陰谷水臍腹連陰痛崩中漏下深連陰谷穴一訣值千金



丙時少澤內庭三腕骨崑崙陽陵泉辛合少商然谷穴大  
衝靈道陰陵泉○丙與辛合○辛合丙○丙小腸少澤井  
雲翳覆瞳子口乾舌強時寒瘧汗不出少澤莫遲疑○胃  
內庭榮四肢厥逆冷胸煩肚腹脹齒齲咽中痛當鍼足內  
庭○大腸三間鋤腸鳴并洞泄寒瘧及唇焦三間鍼入後  
沉痾立便消○腕骨原迎風流冷淚癰瘰及黃軀腕骨神  
鍼刺千金價不如○膀腕崑崙水經脚腕痛如列腰尻疼莫  
任崑崙如刺畢卽便免呻吟○膽陽陵泉水合冷痺身麻木  
偏身筋骨疼陽陵神妙穴隨手便安寧

丁時少冲大都先太淵復溜并曲泉壬合至陰夾後谿京  
骨解谿曲池邊○丁與壬合○壬合丁○丁心少冲火井少  
陰多恐驚冷痰潮腹心乍寒并乍熱宜向少冲鍼○脾大

都榮上傷汗不出手足厥而虛腫滿并煩嘔大都鍼使除  
○肺太淵金缺盆中引痛喘息病難蠲心痛掌中熱須當  
鍼太淵○腎復溜經五淋下水氣赤白黑黃青腹脹腫水  
蠱宜於復溜鍼○肝曲泉血瘀并瘰閉筋攣痛日捺咽  
喉臍腹脹應驗曲泉鍼

戊時厲兌二東骨冲陽輔小海入癸合湧泉行間瀆神  
門商丘蕪尺澤○戊與癸合○癸合戊○戊胃厲兌并寒  
熱無心食惡風多恐驚胃家諸孔穴厲兌最精英○大腸  
二間鍼○喉閉牙齒痛心驚鼻衄腥口喝連頰腫二間刺  
安寧○膀胱束骨俞腰背膈如結風寒目眩臍要疼如此  
疾束骨穴中窮○衝陽腹臍如結硬口眼忽喎斜狂病  
棄衣走冲陽穴內作○膽陽輔經節痛無常虛諸風痺莫

作膈經雖六六陽輔効如神○小腸小海火頭項痛難忍  
腹臍疼莫禁苦還逢此疾小海便宜鍼○

已合甲已隱白并足寒并暴泄月事過其時隱白脾家  
并詳經可刺之○肺魚際經血喉中燥頭疼舌上黃傷  
汗不出魚際一鍼康○腎木谿水輸溺黃并尿血咳嗽齒牙  
難疼癰諸濕痺太溪鍼便安○肝中封經繞臍腹走疼身  
體及頑麻疔引腰間痛中封刺不差○心小海火目眩連  
頭痛發強嘔吐涎四肢不能舉少海安然○

庚合乙○庚大腸商陽并耳聾并齒痛寒熱往來攻痰瘧  
及中滿商陽刺便通○膀胱通谷經積結留諸飲眊眊目  
不明頭風并項痛通谷可回生○膽臨泣經婦人月事閉  
氣喘下能行顙骨合痛項鍼臨泣安○合谷經熱病連

牙痛傷寒汗過期日疼風口禁合谷穴中推○小腸陽谷  
經耳鳴頰頰腫脇痛發在陽陽谷迎經刺如神助吉神○  
胃三里<sub>土合</sub>四體諸虛損五勞共七傷筋疲連膝腫三里刺  
安康

辛合丙○辛肺少商<sub>金井</sub>膨膨腹脹滿咳逆共喉風五臟諸  
家熱少商鍼有功○腎然谷<sub>水棟</sub>婦人長不孕男子久遺精  
洞泄并消渴連鍼然谷榮○肝太冲<sub>木榆</sub>小便淋瀝數心脹  
步難行女子崩中漏太冲須細看○心靈道<sub>火經</sub>卒中不能  
語心疼及恐悲問云何所治靈道穴偏奇○脾陰靈泉<sub>土</sub>拾  
腹中寒積冷膈下滿吞酸嘔噎多寒熱陰陵刺即安  
壬合丁○壬膀胱至陰<sub>水井</sub>心煩足下熱小便更遺精誰知  
至陰穴能救死復生○膽夾溪<sub>木榮</sub>耳聾頰頰腫走注痛無

常難勝連肢滿夾溪可料量○小腸後溪燭癰癰并項強  
目赤翳遮生一刺後溪穴神功妙不輕○京骨原解癰足  
筋痛腰背苦難禁只可刺京骨休於別處尋○胃解溪土  
膝勞連筋骨霍亂共蠱一刺解溪穴狂癲亦有功○大腸  
曲池金半身麻不遂兩臂痛難支汗後多餘熱宜鍼手曲  
池

癸合戊○癸胃湧泉耕胃中藏結熱偏體復黃痿諸厥并  
無子湧泉營羣魁○肝行間榮厥逆四肢冷膝頭癰裏當  
遺尿并目疾行間要消詳○心神門燭咽乾不嗜食心痛  
及狂悲痴呆蒸嘔血神門刺莫遠○脾商丘壘身寒苦太  
息痔病并脾虛但見如斯證商丘刺便除○肺尺澤鉗手  
臂拘攣急四肢暴腫時口乾勞嗽救尺澤善扶持

每遇陽干合刺三焦遇陰干合刺心包絡陽干關冲液門  
靜中渚陽池支溝并陰干中冲勞宮前太陵間使曲澤並  
○陽干○三焦關冲并目中生翳莫舌上發焦乾霍亂心  
胃噎關冲刺即安○液門兼手臂痛寒厥妄言驚悸昏偏  
頭疼目眩當以液門論○中渚熱病時無汗咽喉腫有  
瘡如達肩背重中渚刺安康○陽池原手腕難持物如因  
打損傷陽池鍼刺後疼痛應時康○支溝大脇疼牽筋痛  
傷風啞痺喉明豎頰識此疾早刺支溝○天井治瘰癧并  
風疹上氣痛冲心瘕瘕驚悸當於天井尋

陰干○包絡中冲并一身如火熱滿腹痛連心醫法當遵  
治中冲急下鍼○勞宮兼衄血并黃疸胃熱心痛攻大便  
兼尿血急急刺勞宮○太陵瑜養笑還悲泣狂言病莫禁

心胃如熱悶當下大陵鍼○間使鉗嘔吐卒心痛心懸煩  
弄飢失心語不出間使實能管○曲澤拾逆氣身潮熱煩  
心唇口乾問君何以治曲澤下鍼安

右六十六穴歌竇桂芳原有七言叶句今錄五言者便  
於記誦也其治證相同耳

### 十干相生流注歌

甲丙戊庚壬 乙丁巳辛酉 丙戊庚壬甲 巳辛酉乙丁  
庚壬甲丙戊 辛癸乙丁巳 丁巳辛酉乙 戊庚壬甲丙  
壬甲丙戊庚 癸乙丁巳辛

### 十二經納天干歌

甲膽乙肝丙小腸 丁心戊胃巳脾鄉 庚屬大腸辛屬肺壬  
屬膀胱癸屬腎 三焦亦向壬中寄 包絡同歸入癸方

五子元建歌

加天干於寅上

甲己之日丙作首。乙庚之日戊爲頭。丙辛之日庚上起。丁壬壬寅順行求。戊癸甲寅定時候。六十首法助醫流。

周身血氣歌

人身氣血無暫息。動靜周流在呼吸。呼行三寸吸亦然。一息定行六寸脉。二百七十息數來。脉行六十丈。二尺積血。周身一度過。補瀉分明知。滑澁試問一時吸。幾多千一百。廿五的脉行。六十七丈五。四度周身尚餘刻。更將餘刻爲君明。四十五息二丈七。晝夜循環還。息幾何。一萬三千。兼五百脉行八百。一十丈度行五十。周身畢。此是平人脉。氣歌遲寒數熱難同則。脚不過膝。手不過肘。



陽日陽時氣在前血在後考脉在邊陰日陰時血在前氣在後考脉歸原陽日陽時鍼左轉先取陽經府病看陰日陰時鍼右轉行屬陰經藏府痊

生成數 陰不過陽陽不過陰

天一生水地六成地二生火天七成天三生木地八成地四生金天九成天五生土地十成

此是河圖五行生成之數一三五七九者奇也屬之天二四六八十者偶也屬之地一二三四五六七八九十者數何以能生出五行來蓋有天開地闢之後落下便有水此天一地六所生成也如父母生子頭生男女第行曰一故曰一六也第二胎生男女第行曰二是二七生火餘皆如此曰生成者生如父之資始曰成者如母

之胎育也

刺法啓玄

十二陰陽氣血凝滯全憑鍼烙細推十千五行謹按四時  
八節出入要知先後開闔慎毋妄別左手按穴分明右手  
持鍼親刺刺榮無傷衛氣刺衛毋傷榮血循捫引道之因  
呼吸調和寒熱補卽慢慢出鍼瀉卽徐徐閉穴發明難素  
玄微俯仰岐黃秘訣若能勞心勞力必定愈明愈著譬如  
閉戶造車端正出門合轍倘逢志士細推不是知音莫說  
了却個人規模便是醫中俊傑

提氣法歌

提氣臨時最有功祛除頑痺與諸風分明漏泄神仙訣留  
此玄微在世中又曰轉鍼千遭其病自消

過關歌

蒼龍先擺尾赤鳳後搖頭上下伸提切關節至交流

流氣歌

疰癰氣塊病初遭時時發熱病煎熬手中在爲流注法腹間氣塊漸漸消

納氣歌

納氣還與進氣同一般造化兩般工手中用氣丁寧死妙理玄玄在手中

提鍼歌

提鍼之時最有功祛除頑痺與諸風尋思得遇真仙訣行鍼妙訣在其中

進鍼歌

進鍼八法可用心却除病與通靈此法秘傳休妄說論  
價還當抵萬金

龍虎交戰歌

天降真龍從此起尅木白虎真全體反覆離宮向北飛消  
息陰陽九六裏

龍虎飛騰

龍虎飛騰撚妙玄氣通上下似連山得師口訣分明說目  
下教君病自痊

陽鍼男歌

午前要知寒與熱左撚爲補右爲瀉提鍼爲熱神爲寒此  
是神仙真妙訣

陰鍼女歌

後午要知寒與熱右熱爲補左爲瀉  
插鍼爲熱提爲寒  
人反此須分別

燒山火歌

四肢逆冷最難禁  
憎寒不住病非輕  
撥忙運起燒山火  
患人時下得安寧

透天涼歌

渾身却似火來燒  
不住時時熱上焦  
若還依法行鍼刺  
搜除熱毒病能消

蒼龍擺尾歌

蒼龍擺尾氣交流  
血氣奮飛通體周  
任君疼痛諸般疾  
一插須交萬病休

赤鳳搖頭歌

下水船中一舵遊猶如赤鳳上搖頭迎隨順逆須明辨休得勞心苦外求

子午搖曰歌

子午搖曰達者稀九入七出莫更移萬病自然合天數故教病者笑微微

梓岐風谷飛經走氣撮要金鍼賦

觀夫鍼道捷法最奇須要明於補瀉方可起於傾危先分病之上下次定穴之高低頭有病而足取之左有病而右取之男子之氣早在上而晚在下取之必明其理女子之氣早在下而晚在上用之必識其時午前爲早屬陽午後爲晚屬陰男女上下憑腰分之手足三陽手走頭而頭走足手足三陰足走腹而胸走手陰升陽降出入之機逆之

者爲瀉爲迎順之者爲補爲隨春夏刺淺者以瘦秋冬刺深者以肥更觀原氣厚薄淺深之刺尤宜○原夫補瀉之法妙在呼吸手指男子者大指進前左轉呼之爲補退後右轉吸之爲瀉提鍼爲熱插鍼爲寒女子者大指退後右轉吸之爲補進前左轉呼之爲瀉插鍼爲熱提鍼爲寒左與右有異胸與背不同午前者如此午後者反之是故爪而切之下鍼之法搖而退之出鍼之法動而進之惟鍼之法循而攝之行氣之法握則去病彈則補虛肚腹盤旋捫爲穴閉重沉豆許曰按輕浮豆許曰提一十四法鍼要所備補者一退三飛直氣自歸瀉者一飛三退邪氣自避補則補其不足瀉則瀉其有餘有餘者爲腫爲痛曰實不足者爲痺爲麻曰虛氣速効速氣遲効注死生貴賤鍼下皆

知賤者硬而貴者脆生者澁而死者虛候之不至必死無疑○且夫下鍼之法先須爪按重而切之次令咳嗽一聲隨咳下鍼凡補先呼氣初鍼至皮內乃曰天才少停進鍼至肉內是曰人才又停進鍼至於筋骨之間名曰地才此爲極處就當補之再停良久却須退鍼至人之分待氣沉緊倒鍼朝病進退往來飛經走氣盡在其中矣凡瀉者吸氣初鍼至天少停進鍼直至於地得氣瀉之再停良久却須退鍼復至於人待氣沉緊倒鍼朝病法同前矣○其或暈鍼者神氣虛也以鍼補之以袖掩之口鼻氣回熱湯與之畧停少頃依前再施○及夫調氣之法下鍼至地之後復人之分欲氣上行將鍼右撚欲氣下行將鍼左撚欲補先呼後吸欲瀉先吸後呼氣不至者以手循攝以爪切指



以鍼搖動進撚搓彈直待氣至以龍虎升騰之法按之在前使氣在後按之在後使氣在前運氣走至疼痛之所以納氣之法扶鍼直插復向下納使氣不回若關節阻澁氣不過者以龍虎龜鳳通經接氣大段之法驅而運之仍以循攝爪切無不應矣此通仙之妙○况夫出鍼之法病熱既退鍼氣微鬆病未退者鍼氣如根推之不動轉之不移此爲邪氣吸拔其鍼乃真氣未至不可出之出之者其病卽復再須補瀉停以待之直待微鬆方可出鍼豆許搖而停之補者吸之去疾其穴急捫瀉者呼之去徐其穴不開欲令腠密然吸氣故曰下鍼貴遲大急傷血出鍼貴緩太急傷氣已上總要於斯盡矣○方夫治病其法有八○一曰燒山火治頑麻痺冷痺先淺後深用九陽而三進三退

漫提謹按熱至緊閉插鍼除寒之有準。○二曰透天涼治  
肌熱骨蒸先淺後深用六陰而三出三入緊提漫按寒至  
徐徐舉鍼退熱之可憑皆細之搓之退熱準繩。○三曰陽  
中引陰先寒後熱自淺而深以九六之法先補後瀉也。○  
四陰中引陽先熱後寒自深自淺以九六之方則先瀉後  
補也補者直須熱至瀉者務持寒侵猶如搓線漫漫轉鍼  
法在淺則用淺法在深則用深二者不可兼而棄之也。○五曰子  
午搖臼水壘鬲氣落穴之後調氣均勻鍼行上下九入六  
出左右轉之十遭自平。○六曰進退之訣腰背肘膝痛渾  
身走注疼刺九分行九補卧鍼五七吸待氣上下亦可龍  
交戰左撚九而右撚六是亦止痛之鍼。○七曰留氣之  
法癰癤癰刺七分用純陽然後乃直插鍼氣來深刺提

鍼再停○八曰抽添之訣癰疽瘡癰取其要穴使九陽得氣提按搜尋大要運氣周遍扶鍼直插復向下納回陽倒陰指下玄微胸中活法一有未應反復再施○若夫過關過節催運氣以飛經走氣其法有四○一曰青龍擺尾如扶船舵不進不退一左一右慢慢撥動○二曰白虎搖頭似手搖鈴退方進員兼之左右搖而振之○三曰蒼龜探穴如入土之象一退三追鑽剔四方○四曰赤鳳迎源展翅之儀入鍼至地提鍼至天候鍼自搖復進其原上下左右四圍飛旋病在上吸而退之病在下呼而進之○至夫久患偏枯通經接氣之法已有定息寸數手足三陽上九而下十四過經四寸手足三陰上七而下十二過經五寸在乎搖動出納呼吸同法驅運氣血頃刻周流上下通接

可使寒者煖而熱者涼痛者止而脹者消若開渠之決水立見時功何傾危之不起哉雖然病有三因皆從氣血鍼分八法不離陰陽蓋經脉晝夜之循環呼吸往來之不息和則身體康健否則疾病競生譬天下國家地方山海田園江河浴谷值歲時風雨均調則水道䟽利民安物阜其或一方一所風雨不均遭以旱潦使水道湧竭不通災傷遂至人之氣血受病三因亦猶方所之於旱潦蓋鍼砭所以通經脉均血氣蠲邪扶正故曰捷法最奇者哉

子午流注逐日按時定穴

甲日戌時膽竅陰丙子時中前谷榮戊寅陷谷陽明俞迤本丘墟木在寅庚辰經注陽谿穴壬午勝肱委中尋甲申時納三焦水榮合天干取液門○乙日酉時肝大敦丁亥

時榮少府心巳丑太白太冲穴辛卯經渠是肺經癸巳腎  
宮陰谷合乙未勞宮水穴榮○丙日申時少澤當戊戌內  
廷治脹康庚子時在三間俞本原腕骨可祛黃壬寅經水  
崑崙上甲辰陽陵泉合長丙午時受三焦木中渚之中子  
細詳○丁日未時心少冲巳酉大都脾土逢辛亥太淵神  
門穴癸丑復溜腎水通乙卯肝經曲泉合丁巳包絡大陵  
中○戊日午時厲兌先庚申榮穴二間遷壬戌膀胱尋東  
骨冲陽土穴必還原甲子膽經陽輔是丙寅小海穴安然  
戊辰氣納三焦脉經火支溝刺必痊○巳日巳時隱白始  
辛未時中魚際取癸酉太溪太白原乙亥中封內踝比丁  
丑時合少海心巳卯間使包絡止○庚日辰時商陽居壬  
午膀胱通谷之甲申臨泣爲俞木合谷金原返本歸丙戌

小腸陽谷穴戌子時居三里宜庚寅氣納三焦合天井之中不用疑○辛日卯時少商本癸已然谷何須忖乙未太衝原太淵丁酉心經靈道引己亥脾合陰靈泉辛丑曲澤包絡準○壬日寅時起至陰甲辰膽脉俠溪榮丙午小腸後谿俞返求京骨本原尋三焦寄在陽池穴反本還原是親戌申時注解谿胃大腸庚戌曲池真壬子氣納三焦寄井穴關冲一片金關冲屬金壬屬水子母相生恩義深○癸日亥時并湧泉乙丑行間穴必然丁卯俞穴神門是本尋腎水太谿原包絡大陵原并過己巳商丘內踝邊辛未肺經合尺澤癸酉中衝包絡連子午截時安定穴留傳後學莫忘言

右流注歌徐氏所撰還原化本之理血氣所納之穴斯

昭昭矣

孫真人十三鬼穴歌

百邪癲狂所爲病，鍼有十三穴，須認九鍼之體，先鬼宮次  
鍼，鬼信無不應。一一從頭逐一求，男從左起，女從右。一鍼  
人中，鬼宮停左邊，下鍼右出，鍼第二手大指甲下，名鬼信。  
刺三分深，三鍼足大指甲下，名曰鬼壘，入二分。四鍼掌後  
大陵穴，入寸五分，爲鬼心。五鍼申脉，名鬼路，火鍼三下。七  
錐，錐第六却尋大杼，上入髮一寸，名鬼枕。七刺耳垂下五分，  
名曰鬼牀。鍼要溫，八鍼承漿，名鬼市，從左出，右君須記。九  
鍼間使，鬼路上十鍼，上星名鬼堂。十一陰下縫，三壯，女玉  
門頭爲鬼臧。十二曲池，名鬼臣，火鍼仍要七錐。錐十三舌  
頭，當舌中，此穴須名是鬼封。手足兩邊相對刺，若逢孤穴。

只單通此是先師真妙訣狂猖惡鬼走無蹤

### 八法手訣歌

春夏先深而後淺秋冬先淺而後深隨處按之呼吸輕迎而吸之尋內關補虛瀉實公孫是列缺次當照海深臨泣外關和上下後谿申脉用金鍼先深後淺行陰數前三後二却是陰先淺後深陽數法前二後三陽數定臨泣公孫腸中病脊頭腰背申脉攻照海咽喉并小腹內關行處治心疼後谿前上外有背列缺鍼時脉氣通急按慢提陰氣升急提慢按陽氣降取陽取陰皆六數達人刺處有奇效

### 八法飛騰穴十干八卦歌

壬申之日公孫乾乙癸坤宮申脉連庚日外關屬震卦丙從艮位內關便戊日臨泣坎象卦後谿辛日巽宮遷丁日



允宮鍼照海已應列缺與維前

三陰三陽歌

丙手太陽壬足陽庚手陽明戊足鄉焦手少陽甲足類辛  
手太陰已足詳丁手少陰癸足論心包厥陰乙足量

一論甲竅陰膽足少陽經乙本是大敦肝經足厥陰丙少  
澤小腸名爲手太陽下心少衝穴少陰手中央戊屬兌胃  
穴足上陽明訣已隱白脾鄉太陰足中絕庚商陽大腸陽  
明在手鄉辛少商爲肺太陰掌上詳壬至陰膀胱原是足  
太陽湧泉腎經穴足上少陰鄉三焦爲父手少陽包絡足  
上厥陰母

甲膽原來屬竅陰三焦足是少陽經乙木屬肝名大敦包  
絡同歸踝厥陰丙似少陽少澤鄉壬屬膀胱足太陽辛屬

肺經少商穴已隱脾足太陰詳丁少冲來却屬心湧泉腎足少陰精庚似商陽大腸絡戊屬厲胃足陽明

血忌歌

行鍼須要明血忌。正丑三寅二之未。四辛五卯六酉宮。七辰八戌九居巳。十亥十一月午。當臘子更加逢日閉。

逐日人神歌

初一十一廿一起足拇鼻柱手小指初二十二廿二日外踝髮際外踝位初三十三二十三股內牙齒足及肝初四十四廿四右腰間胃腕陽明手初五十五廿五并口內遍身足陽明初六十六廿六同手掌胸前又在胃初七十七二十七內踝氣衝及在膝初八十八廿八辰腕內股內又在陰初九十九二十九在尻在足膝脛後

初十二三十日腰背內踝足趺覓

### 九宮尻神歌

尻神所在足跟由坤內外踝聖人留震宮牙喘分明記巽  
位還居乳口頭中宮肩骨連尻骨面日背從乾上遊手膊  
兌宮難斂灸艮宮腰項也須休離宮膝肋鍼難下坎肘還  
連肚脚求爲醫精曉尻神法萬病無干禁忌憂

### 太乙神人歌

立春艮上起天留戊寅巳丑右足求春分左脇倉門震乙  
卯日見定爲仇立夏戊辰巳巳巽陰絡宮中左手愁夏至  
上天丙午日正值應候離首頭立秋玄委宮右手戊申巳  
未坤上遊秋分倉果西方兌辛酉還從右脇謀立冬左足  
加新落戊戌巳亥乾位收冬至坎方臨叶熱壬子腰尻下

竅流五臟六腑并臍腹招遙諸戌巳中州潰治離疽當須  
避犯其天忌疾難瘳

雜病十一穴歌

攢竹絲空主頭疼偏正皆宜向此鍼更去大都除瀉動風  
池鍼刺三分深曲池合谷先鍼瀉永與除痼病不侵依此  
下鍼無不應管教隨手便安寧○頭風頭痛與牙疼合谷  
三間兩穴尋更向大都鍼眼痛大淵穴內用鍼行牙疼三  
分鍼呂細齒疼依前指上明更推大都左之右交互相迎  
子細迎○聽會兼之與聽官七分鍼瀉耳中聾耳門又瀉  
三分許更加七壯灸聽官大腸經內將鍼瀉曲池合谷七  
分中醫者若能明此理鍼下之時便見功○肩背并和肩  
膊夾曲池合谷七分深未愈又澤加一寸更於三間次第

肩各入七分於穴內少風二府刺心經穴內淺深依法用  
當時蠲疾兩之經○咽喉以下至於臍胃腕之中百病危  
心氣痛時胸結硬傷寒嘔噦悶涎隨列缺下鍼三分許三  
分鍼瀉到風池二足三間并三里中冲還刺五分依○汗  
出難來到腕骨五分鍼瀉要君知魚際經渠并通里一分  
鍼瀉汗淋漓足指三間及三里大指各刺五分宜汗至如  
若通遍體有人明此是良醫四肢無力中邪風眼澁難開  
百病攻精神昏倦多不語風池合谷用鍼通兩手三間隨  
後瀉三里兼之與太冲各入五分於穴內迎隨得法有功  
○風池手足指諸間右瀉偏風左曰癰各刺五分隨後瀉  
更灸七壯便身安三里陰交行氣瀉一寸三分量病看每  
穴又加三七壯自然癰瘕卽時安○肘痛將鍼刺曲池經

渠合谷共相宜五分鍼刺於二穴癰病經身便得離未愈  
更加三間刺五分深刺莫憂疑又薰氣痛憎寒熱間使行  
鍼莫用遲○腿膝腰疼痞氣攻體骨穴內七分窮更鍼風  
市薰三里一寸三分補瀉同又去陰交瀉一寸行間仍刺  
五分中剛柔進退隨呼吸去疾除病撚指工○肘膝疼時  
刺曲池進鍼一寸是相宜左病鍼右右鍼左依此三分瀉  
氣奇膝痛三寸鍼犢鼻三里陰交要七吹但能子細尋其理  
却病之功在片時

風

半身不遂患偏風肩頸曲池列缺同陽陵泉手三里合  
谷絕骨丘墟中環跳崑崙照海穴風市三里委中攻足無  
膏澤治上廉左癱右瘓曲池先陽谷合谷及中渚三里陽

輔崑崙。肝不能屈治腕骨。偏風却治冲陽。竈身體反折。  
肝俞中。中風肘攣內關笑。目戴上治絲竹空。吐涎百會絲  
竹同。不識人治水溝穴。臨泣合谷三穴攻。春反折弓治風  
府。并治瘧門。真有補風痺。天井曲澤中。少海委中兼陽輔。  
驚癇神庭與百會。前項湧泉絲竹類。神關一壯鵠尾三。七  
穴治之斯爲貴。風勞曲泉膀胱俞。只有膀胱七壯宜。風痲  
腎俞膀胱穴。三壯百會肝與脾。風眩臨泣與陽谷。再有  
申脉同腕骨。風痛臨泣百會攻。有井肩髃曲池竈。兼治天  
井并內間。通前七穴不可忽。口眼喎斜治大淵。列缺申脉  
與二間。內庭行間地五等。水溝頰車合谷連。復有通谷不  
可失。十一穴治病卽痊。瘡痲間使與支溝。合谷魚際并復  
溜。靈道陰谷然谷穴。兼治通谷疾卽瘳。凡人口噤不可開。

頰車承漿合谷該風痲疾發僵仆地風池百會灸無災○  
又曰半身不遂云中風七處各灸三壯同如風在左灸在  
右患右灸左艾氣通尋穴須從百會起次及耳前之髮際  
第三肩井四風市六是絕骨五三里乃若曲池居第七灸  
之神効無可比二椎五椎各七壯狀如羊棗核大炷以此  
同灸二椎上中風目戴不能語

### 傷寒

身熱頭疼攢竹穴大陵神門與少澤合谷魚際中渚間液  
門委中與太白洒浙惡寒慄鼓頷治之宜在魚際端身熱  
陷谷鍼呂細三里復溜蕪湧泉公孫太白委中穴蕪治俠  
谿病自安寒熱風池與少海魚際少冲合谷在復溜太白  
臨泣中八穴治之病自瘳傷寒汗不出風池魚際二間並



經渠過經不解期門上餘熱不盡先曲池次及三里與合谷二穴治之餘熱除腹脹三里內庭中陰證傷寒神闕攻灸壯瀕及一三百庶幾能保命不終大熱曲池及三里復溜不失患者起嘔噦百會曲池中間使勞宮商丘底腹寒熱氣少中中商丘太冲行間同三陰交弓與隱白陰陵三壯炷火紅發狂間使與百勞合谷復溜四穴焦不省人事中渚穴三里大敦二穴燒秘塞照海與章門小便不通陰谷焚更兼陰陵通二穴治之患者效自臻

### 痰喘咳嗽

欬嗽列缺與經渠瀕用百壯灸肺俞尺澤魚際少澤穴前谷解谿崑崙限臆中七壯不可少再兼三里實相宜嗽嗽飲水治太淵引兩脇痛有俞間引尻痛兮魚際上欬血列

缺三里濟肺俞百勞乳根穴風門肺俞噎血關噎血內損  
治勞客間使神門太淵同魚際瀉弓尺澤補曲泉太谿只  
在中肝脾三壯肺俞弓終及然谷與大冲噎血振寒治大  
谿三里列缺大淵宜嘔血曲池神門穴魚際通前三穴醫  
吐膿不愈治中吐濁尺澤間使攻列缺少商與前穴此  
患治之四穴同嘔食不化治太白嘔吐通里與曲澤勞宮  
陰陵太谿中照海太冲大都穴通谷胃俞與肺俞并兼一  
穴是隱白患者嘔逆治大陵嘔噦大淵治之寧喘嘔欠伸  
經渠上治之無恙樂昇平上喘曲澤大陵中神門魚際三  
間攻商陽解谿崑崙穴中肺俞十穴同喘嗽隔食治膈  
俞喘滿三間商陽宜肺脹氣搶脇下痛陰都太淵肺俞除  
喘息難行治中腕間門上膈三六善諸虛百損等極病五

勞七傷失精。經大椎膏肓脾胃肺下腕三里脊背井傳死  
骨蒸肺痿法。膏肓肺俞四花穴。乾嘔間使三十壯。膽俞通  
谷及隱白。乳下寸半要識真。灸之神效勝服藥。噫氣勞宮  
與大敦。少商太淵與神門。大谿陰谷與太白。八穴治之神  
效臻。痰涎陰谷與前谷。復溜三穴不可忽。結積留飲病不  
瘳。膈俞五壯通谷灸。數嗽而喘治大淵。一穴治之病自痊。

### 諸積聚

氣塊冷氣一切氣。氣海鍼灸病可愈。心氣連脅里大陵。支  
溝上腕兼百會。結氣上喘及伏梁。中腕治之病自愈。更有  
心下如痞形。須治中腕及百會。脇下積氣治期門。章期中  
腕瘳。貫脉氣海百壯不可少。巨闕五穴通前論。氣逆商丘  
與天澤。三陰交。與太白。喘逆神門足。臨泣陰陵崑崙不

可失太冲神門二穴中。噫氣下逆病可攻。支溝前谷攻咳  
逆。大陵曲泉三里同陷谷。前谷行間穴。臨泣肺俞十穴通患  
者。咳逆無所出。三里取之爲第一。後取太白與太淵魚際  
大淵不可失。竅陰之穴及肝俞通前七穴斯爲畢。咳逆振  
寒治少商。更熯天突灸三壯。久病咳弓少商穴。天柱三壯  
病卽康。厥氣冲腹及解谿。天突通前二穴宜。短氣大陵尺  
澤上。小氣間使神門繫。太陵少冲三里穴。下廉行間熯肺  
俞。然谷至陰與氣海。十一穴治病自除。欠氣通里及內庭  
諸積三里治之寧。陰谷解谷通谷穴。上腕肺俞膈俞應脾  
俞。三焦俞上治九穴治之命不傾。腹中氣壅穴頭鍼二寸  
半。弓二七焚塊中一穴鍼三寸。灸之六七塊猶存。塊尾  
穴鍼三寸。灸至七壯塊漸分。胸中膨脹氣又喘。合谷期門

乳根善

哮喘

醫者若欲灸人哮喘。天突尾窮骨尖高。又法背上有一穴。量穴須用線一條。環頸垂下至鳩尾尖上。截斷牽脊背線頭。盡處是穴端。灸至七壯真爲貴。

腹痛脹滿

腹痛三里與內關。陰陵復溜大黦連。崑崙陰谷陷谷穴。太白中脘與行間。氣海隔俞脾俞穴。兼治腎俞病。卽痊。食不下。弓治內關。魚際三里三穴間。小腹急痛不可忍。兼治小腸疝外肩。疝氣心痛諸氣痛。足之大指次指下。中節橫紋灸五壯。男左女右無虛假。三足並灸無所分。細按神經亦云可。小腹脹痛氣海焚。繞臍痛弓治水分。小腹痛弓治陰

市承山下。庶及中封。復溜。小海。關元。穴。肩俞。隨年壯。大敦。夾臍痛。兮。治上。庶。臍痛中封。與曲泉。再。兼水分。通三穴。太冲。太白。引腰疼。少商。陰市。腹滿。法。三里。曲泉。崑崙。穴。隱白。大都。陷谷中。商丘。通谷。與太白。行間。一穴不可遺。十二穴。治勝脈藥。腹肋滿。兮。治陽陵。三里。上。庶。三穴。精心。腹脹滿。絕骨上。更。兼一穴。是內庭。小腹脹滿。痛中封。然谷。內庭。大敦中。腹脹。陰市。與尺澤。三里。曲泉。陰谷。穴。陰陵。商丘。公孫。中。內庭。太谿。與太白。屬兌。膈俞。及腎俞。中脘。大腸俞。太白。脹而胃滿。治膈俞。腹堅大。兮。治丘墟。三里。陰陵。解谿。上冲。陽期門。水分。宜。此病治之。通九穴。更有神。關。膀胱俞。寒熱。堅大。冲陽。焚鼓脹。復溜。與公孫。中封。太白。三陰交。更。兼一穴。是水分。腹寒不食。陰陵。燒。廣。蟬。腹寒。三陰交。腹鳴。寒熱。

復補上。一穴治之命堅牢。脫脫脹氣鳴疾。命谷三里期門高。

### 心脾胃

心痛間使與曲池內關大陵神門腎太淵太谿通谷穴巨關百壯通心俞心痛食不化中脘胃脘痛弓治太淵魚際三里兩乳下一寸三十壯為便。膈俞肺俞獨有俞。隨年壯弓病即痊。心煩陽谿與神門魚際腕骨少商焚解谿穴與太白穴更兼至陰與公孫煩渴心熱與曲澤心煩怔忡魚際穴卒心疼弓不可忍吐冷酸水難服藥此患灸足最為良得效最速不虛譚大指次指內紋中各一壯炷如小麥思慮過多無心緒少力忘前失後起尋穴須從百會中惠者灸之病自除心風灸心俞中脘患者煩悶腕骨觀虛煩

口乾肺俞攻煩慙不卧治太淵公孫隱白陰陵泉肺俞三  
陰交六穴治之不患病不痊煩喜心兮治少商再兼太谿  
陷谷康心痺悲恐神門穴大陵魚際定吉昌憊情須治照  
海中心驚恐兮曲澤攻天井靈道神門穴大陵魚際二間  
同液門百會厲兌上通谷巨闕與少冲章門通前十四穴  
治之立見有神功嗜卧百會與天井二間三間大谿頂照  
海厲兌及肝俞嗜卧不言膈俞應不得卧兮治太淵公孫  
隱白陰陵泉并治三陰交穴上通宵得寢斯安然支滿不食  
治肺俞振寒不食冲陽宜胃熱不食下廉穴胃脹不食水  
分宜心中恍惚天井上再兼巨闕與心俞心喜咲兮陽谿  
中陽谷神門大陵同列缺魚際復溜上再兼肺俞與勞宮  
胃痛太淵與魚際三里腎俞肺俞治胃俞再兼兩乳下一



寸二十一壯病卽愈。翻胃下脫取之先後取三里瀉宜然。  
胃俞脾俞及中脘膈俞百壯患者安噎食不下治勞宮少  
商大白公孫同三里中脘中魁穴膈俞心俞胃俞中三焦  
俞少大腸俞食少下咽有神功不能食少治胃俞少商三  
里然谷宜耳及大腸膈俞穴通前六穴皆常醫若不嗜食  
治中封然谷內庭厲兌中隱白陰陵泉上穴脾俞胃俞小  
腸同食多身疲脾胃俞脾寒三間與中渚液門合谷商丘  
中中封照海陷谷裏太谿至陰腰俞端蕪治三陰交乃止  
乃若胃熱治懸鍾胃寒有痰膈俞攻脾虛腹脹穀不消只  
治三里最爲高脾病瘡泄若不愈此病須治三陰交脾虛不  
便治商丘三陰交灸三十沐膳虛嘔逆蕪帶熱若治氣海  
病卽瘳。

心邪癲狂

心邪癲狂攢竹穴陽谿間使與尺澤癲狂肺俞至百壯曲池一七理所當小海少海間使穴陽谿陽谷大陵方京骨合谷與魚際腕骨神門與冲陽液門穴與行間穴十六穴灸斯爲咸癲癰攢竹神門中天井小海金門同商丘行間與通谷心俞後谿鬼眼攻通前總計十一穴心俞百壯有神功鬼擊間使與支溝癲疾上星百會頭風池曲池與尺澤陽谿腕骨與商丘解谿後谿及中脘崑崙然谷通谷求承山鍼三分速出灸至百壯疾即瘳狂言陽谿與太淵并及崑崙與下廉狂言不樂太陽穴多言用治百會失癰狂言語無尊卑唇裏中央肉縫宜灸上一壯如小麥又用鋼刀割斷奇患者狂言數回顧宜治陽谷液門穴喜笑陽谿

及大陵并及水溝與列缺喜哭百會水溝中目妄視兮風  
府攻鬼邪須治間使穴仍鍼後起鬼宮試問鬼宮何所  
在要識此穴卽人中二鬼信兮手大指甲下入肉三分是  
三鬼壘兮足大指甲下入肉二分是四鬼心兮卽太淵治  
之須至八寸半男從左兮女從右起鍼之法依此等五鬼  
路兮卽申脉火鍼七銍三分下六鬼枕兮大椎上入髮  
一寸非虛假耳前髮際七鬼床八鬼市穴卽承漿九鬼營  
卽勞宮穴七星穴是入鬼堂火鍼七銍鬼堂用鬼藏陰下  
縫三壯十二鬼長卽曲池火鍼亦與曲池宜十三輪該是  
鬼封卽是舌下一寸縫依次而行鍼灸備二者兼到有神  
功假如見鬼治陽谿九人魘夢商丘宜中惡不省水溝穴  
中皖氣海當無驚不省人事用三里大敦一穴相兼治發

狂少海間使中合谷後谿絲竹空并蕪復溜穴在內治之  
立待有神功狂走風府陽谷安孤魅神邪狂與癰兩手盡足  
大搏絹繩縛定灸四尖要識此穴名鬼眼灸至三壯病必  
痊小兒奶癰驚癰證亦依此法一壯燃平狂間使合谷中  
并及後谿三穴攻瘰癧指挈啞門穴陽谷腕骨與勞宮帶  
脉一穴并四穴通前五穴收全功米癡神門少商宜湧泉  
一穴與心俞登高而歌攝衣走久狂神門及後谿并及中  
腸共三穴等閑感應似神祇瘰癧驚百會解谿頭暴驚下廉  
一穴末顛疾前谷後谿穴解谷金門及水溝再蕪一穴是  
申脉按穴治之此疾瘳

霍亂

霍亂陰陵承山穴次及解谿與太白霍亂吐瀉治關冲及

三里與尺澤并及太白一穴內三穴治之勝服藥霍亂吐支溝中霍亂轉筋支溝同逆數大都太白穴公孫丘墟解谿攻再及中封承山穴陰陵陽輔與關冲

瘧疾

瘧疾百會與經渠前谷三穴實相宜溫瘧中脘大椎穴乃若瘧瘧治腰俞假如瘧疾發寒熱合谷液門商陽別瘵瘧寒熱後谿穴兼治合谷隨卽歇瘧疾振寒治上星丘墟陷谷得安寧頭痛腕骨神效得寒瘧三間治之精儼如心煩治神門寒瘧不食治公孫內庭厲兌共三穴久瘧中渚商陽焚此疾兼治丘墟穴叮嚀醫者識此文熱多寒少間使中并兼三里有神功脾寒發瘧大椎穴間使乳根三穴同腫脹

渾身浮腫治曲池合谷三里內庭醫行間三陰交六穴治  
之此病絕根株水腫列缺腕骨醫合谷間使陽陵宜陰谷  
三里曲泉穴復溜陷谷與解谿公孫厲兌冲陽穴陰陵水  
分并胃俞耳蕪神闕十八穴速除此疾無毫釐因肢浮腫  
曲池中通里合谷中渚同液門三里三陰交風腫身浮解  
谿攻腫水氣脹滿復溜并蕪神闕功效收水脹脇滿陰陵  
泉遍身腫滿疾久纏更蕪飲食又不化腎俞百壯病即痊  
凡人消痺治太谿傷飽身黃章門醫紅痺合谷與百會委  
中三里與曲池黃痺百勞腕骨中三里湧泉中脘同然谷  
太冲復溜穴膏肓大陵與勞宮還有脾俞蕪在內大谿一  
穴在中封

多汗合谷補之先次瀉復溜汗即乾少汗先瀉合谷穴吹  
補復溜病即瘳有汗列缺與曲池少商崑崙沖陽宜然谷  
大敦湧泉穴無汗上星啞門腎中沖陽谷腕骨穴然谷風  
府與風池中渚液門及魚際合谷支溝與經渠大陵少商  
商陽等大都委中與俠谿陷谷厲兌廿二穴仔細治之  
病自除汗不出弓曲澤燒魚際少澤上星高曲泉復溜崑  
崙穴俠谿竅陰九穴焦

### 痺厥

風痺尺澤陽輔區積癰痿痺治膈俞寒厥太淵液門穴假  
如痿厥治丘墟尸厥如死不知事瀕灸三壯於厲兌身寒  
痺治曲池穴列缺環跳與風市委中商丘及中封再熏臨  
泣八穴攻厥逆列缺與中沖金門大都內庭中厲兌隱白

大敦穴須治八穴爲有功。四支尺澤與支溝少海前谷三里頭。三陰交與曲泉穴。照海內庭大谿。任行間大都十二穴。次第詳治病卽瘳。

腸痔大便

腸鳴三里陷谷。焚公孫太白與章門。神關胃俞三焦俞。三陰交。兮與水分。腸鳴而泄。神關穴并治。三門與水分。食泄上廉與下廉。暴泄須治隱白。盛洞泄宜治腎俞穴。瀉泄太冲與神關并治。一穴三陰交泄不止。兮亦神關泄不覺。兮治中脘。痢疾曲泉大谿便太冲。丹田與脾俞。兼治小腸俞。最善便血。承山并復溜。太冲太白四穴求大便。不禁丹田穴。兼治大腸俞。卽瘳大便不通。治大谿。承山照海太冲宜。小腸俞穴與太白。章門穴與脾俞。大便秘下重。治承山。鮮



然太白帶脉閉塞照海與大白煎治章門如神丹瀉泄  
曲泉隱白宜陰陵然谷三焦俞京骨中腕脾俞穴肩俞大  
腸俞天樞五痔承山與委中飛揚陽輔復溜同俠谿氣海  
會陰穴長彊之穴與太中腸風百壯灸尾窮假如大小便  
不通三百壯灸胃腕穴功效最速如神通腸癰痛治太白  
中陷谷大腸俞與同乃若脫肛治百會灸至七壯是尾窮  
此疾須用治三穴隨年壯方灸臍中患者血痔泄腹痛承  
山復溜二穴攻若是痔疾骨節蝕承山商丘收神功久痔  
宜治三白間須煎長彊與承山

疝

寒疝腹痛陰市宜并及太谿與肝俞疝瘕須治陰驢穴平  
疝大敦與丘墟煎治陰市與照海四穴不失大效隨癰疝

曲泉與中封并蕪商丘與大冲小腹下痛目眩痺大谿三里脾俞同三陰交穴曲泉穴宜蕪陰陵六穴攻腹中之病云疝瘕陰陵大谿丘墟佳便蕪照海通四穴從此治之無所差腸癖瘕疝小腸痛灸至百壯通谷用京骨穴與大腸俞三穴治之有神應偏墜本俞腎治歸來大敦三陰交穴該陰疝太冲大敦穴三穴治之絕無災瘕癖膀胱小腸事醫家宜把燔鍼刺五樞氣海及三里氣門百壯三交愈陰腎大小便數兮或陰入腹大敦宜陰腫曲泉大谿穴大敦三陰交腎俞陰莖腫痛治曲泉陰陵陰谷與行間太冲太敦太谿穴腎俞中極三陰瘕陰莖痛兮陰汗出大谿魚際與中極更治一穴三陰交四穴治之多有力轉胞不溺只淋瀝關元瘕病真可必腎虛虛今日漸羸陰寒少氣遺精

痰下消別求療此病只治一穴是腎俞遺精白濁腎俞皖  
關元穴與三陰交夢泄百壯曲泉穴中封太冲至陰高隔  
俞脾俞腎俞準關元三焦三陰交寒熱氣淋陰陵宜淋漓  
曲泉然谷鹽陰陵行間大敦穴湧泉氣門小腸俞小便黃  
赤陰谷中大谿腎俞氣海同膀胱俞穴宜兼治五穴無缺  
有神功小便五色治委中須把前各第二攻小便不禁上  
承漿陰陵委中太冲間膀胱俞穴大敦穴通治六穴患者  
安小便赤如血大陵兼治關元病始輕婦人胞轉小便艱  
二七壯兮治關元遺溺神門魚際穴太冲大敦及關元陰  
痿丸塞陰谷中然谷三陰交中封兼治大敦通五穴此病  
立待有神功陰挺出兮治太冲少府照海曲泉同疝氣偏  
墜用小繩患者口角量一形分作三摺成三角如△字樣

爲樞衡一角安在臍心上兩角安在臍下平兩角盡處是  
灸穴患左患右灸反更各三七壯病立愈二穴俱灸亦安  
寧膀胱氣攻脇臍下陰腎入腹病染增自臍量下至六寸  
兩旁各寸是穴中患左患右灸反覆炷如小麥大相應

### 頭面

頭痛百會上星中風府攢竹小海攻陽谿後谿合谷穴腕  
骨中渚絲竹空風池崑崙陽陵等再兼一穴是中冲頭強  
痛考治頰車并治肩井及風池少海穴并兼在內通計五  
穴至後谿頭偏痛者鍼頭維腦瀉顙會通谷醫頭風上星  
前項穴百會陽谷合谷宜通前通後共八穴崑崙關元與  
俠谿腦痛上星風池中腦空天柱少海攻頭風面目赤何  
治通里解谿真有功頭風牽引腦項痛上星百會合谷同

偏正頭風百會穴前頂神庭上星通風池合谷頭維等攢  
竹穴與絲竹空醉後頭風治印堂攢竹三里三穴當頭風眩  
暈治合谷次及豐隆解谿方耳蕪風池通四穴垂手著膝  
著腿雙兩般皆灸虎口內更詳此處宜灸壯面腫水溝與  
上星攢竹支溝間使應中渚液門解谿穴行間厲兌噫嘻  
靈耳蕪天牖風池等十三穴內治之精面痒腫方治迎香  
耳蕪合谷治之良患者頭面項俱痛百會項後合谷強假  
如頭風冷淚出攢竹合谷治無失腦昏目赤攢竹中頭旋  
目窗百會同申脉至陰絡却穴通前五穴治有功至若面  
腫與項強鼻生息肉治承漿頭腫上星前項穴大陵出血  
公孫央若人頰腫治頰車頤領腫者陽谷宜腕骨前谷商  
等俠谿手三里丘墟風動如蟲行迎香頸項強急風府

史若人頭面目浮腫宜治陷谷與目窗眼臉腫動治頭維  
再薰一穴攢竹鬻腦風而疼治少海頭腫身熱是腎俞眉  
稜痛兮肝俞穴毛髮焦燥治下廉面浮腫兮厲兌穴面腫  
若灸水分痊頭目眩疼反腫者薰生白肩灸顙會

咽喉

凡人喉痺治頰車合谷少商與經渠太陵二間與尺澤再  
薰前谷與陽谿假如鼓頤治少商咽中如鯁間使當再薰  
一穴三間穴咽腫中渚大谿央咽外腫兮液門攻噤食不  
下灸中咽中閉者治合谷再有曲池二穴同咽喉腫痛  
又閉塞水粒不下合谷得少商薰以三稜鍼刺手大指背  
頭吉節上甲根不可差排刺三鍼斯爲畢雙鳩王液與金  
津又薰少商三穴焚單鳩少商合谷等并治應泉病絕根

復有咽喉腫閉甚治之以細三稜針把鍼藏在筆端內以藥點腫給患人却將筆端點腫處刺之立愈病除根續添一證是咽喉痛若治風府效如神

### 耳目

耳鳴百會與聽宮聽會耳門絡却中陽谿陽谷前谷穴後谿腕骨中渚同液門商陽腎俞頂總纂十四穴裏攻聾耳生瘡有膿汁耳門翳風合谷窻重聽無所聞耳門翳風風池俠谿焚聽會聽宮通六穴治之此患定不存凡人目赤目窗鍼大陵合谷液門臨上星絲竹空攢竹七穴治之病絕根目風赤爛陽谷燒赤翳攢竹後谿高耳兼液門通三穴斯病可待無根苗目赤虜翳治大淵俠谿攢竹風池前目翳膜者治合谷臨泣角孫液門巔後谿中渚睛明穴白

翳臨泣肝俞痊睛痛內庭與上星假如冷淚治精明臨泣  
風池腕骨穴四穴不失醫者精迎風有淚治頭維精明臨  
泣與風池眼淚出治臨泣穴百會液門與後谿通前通後  
共八穴必是前谷與肝俞風生平生翳膜引兩目痛考不  
可忍精明穴及手中指本節間尖三壯準眼睫毛倒絲竹  
空青育無見肝俞中黃及商陽通二穴患左患右左右攻  
眼背急痛三間醫假如目昏治頭維攢竹精明目窗穴百  
會風府與風池合谷睛俞絲竹空再兼一穴是腎俞目眩  
臨泣風府中風池陽谷中渚同通前通後共八穴液門魚  
際絲竹空目痛陽谿二間精次及三間與大陵前後總筭  
六穴治須兼前谷與上星目眶爛見風泪流宜治頭維顙  
膠頭眼痒眼爛光明瀉熱治五會痒痛休日生翳者治



俞命門童子竅穴宜外背五分得氣瀉耳熱合谷商陽醫  
小兒雀目不見物手拇指甲後一寸宜在內廉外紋頭白  
肉際各一壯穩

鼻口

鼻有息肉治迎香衄血風府風池良合谷二間三間穴後  
谿前谷委中強申脉崑崙并厲兌兼治上星隱白長竅衄  
風府與二間耳熱一穴是迎香鼻塞上星臨泣燒百會前谷  
厲兌高通前通後共七穴兼治合谷迎香焦鼻流清涕治  
人中上星風府三穴攻腦瀉鼻中臭涕出曲差上星治有  
功鼻衄上星二七壯兼治絕骨顙會康又法灸項後髮際  
兩肋中間宛宛中央久病流涕出不禁百會灸之病絕根口  
乾尺澤與曲澤大陵二間少商穴耳熱一穴是商陽仔細

治之效自獲咽乾太淵魚際中消渴水溝承漿通金津玉液曲池穴太冲行間與勞宮商丘然谷隱曰穴百日已上不可攻唇乾有涎治下廉舌乾涎出復溜大唇乾飲食又不下三間少商治之瘥假如唇動如虫行水溝一穴治之寧唇腫宜治迎香穴口喎眼斜頰車精水溝列缺大淵穴合谷二間絲竹空蕪治地倉極有效感應最速如神靈口噤夾車與支溝外關列缺內庭頭耳蕪厲兌通六穴次第治之病自瘳失口不語治間使支溝靈道蕪魚際合谷陰谷復溜穴再治然谷病卽愈舌緩大淵合谷中冲陽內庭風府同通前通後共七穴三陽交穴崑崙攻舌強啞門少商穴魚際二間與中冲再蕪陰谷然谷等七穴治之爲有功假如舌黃治魚際齒寒少海實爲貴齒痛商陽一穴醫

齒齲惡風合谷利耳熱厲兌二穴攻醫者尋越須仔細齒  
齲厲兌少海宜小海陽谷合谷奇液門二間內庭等斷痛  
角孫少海唇舌齒腐兮承漿穴須無勞宮二穴醫牙疼少  
海與曲池陽谷二間與陽谿更無內庭與呂細井及液門  
與頰車上牙疼兮治人中太淵呂細三穴通臂上起肉中  
五炷灸之立待有神功下牙疼者龍玄穴側腕交叉脉是  
斯井及承漿合谷穴腕上五寸兩肋間灸至五壯病必痊  
不能嚼物角孫強牙疼蝕爛至生瘡炷如小筋頭樣大七  
壯須灸在承漿

### 胸背脇

胸滿經渠與陽谿後谿三間間使宜陽陵三里曲泉穴足  
臨泣等九穴醫假如胸痺治太淵胸膈悶兮有井瘥胸脇

痛者天井穴支溝間使太白連三里大陵丘墟等陽輔八  
穴實爲便胸中淡者間使宜胸滿支腫治膈俞再兼內關  
通二穴得效最速定不遲胸脇引滿腹下廕丘虛俠谿腎  
俞連假如胸煩期門穴胸中煩者豎中安肩背痠疼治風  
門肩井中渚支溝焚後谿腕骨委中穴次第治之病不存  
心胸痛者治尺澤內關大陵三穴著胸滿血膨有積塊霍  
亂腸鳴喜噫帶三里期門向外鍼二寸不滿亦不瀉假如  
脇滿章門奇脇痛陽谷腕骨宜支溝膈俞及申脉缺盆腫  
足臨泣醫脇與脊引肝俞燒背膊項急大椎焦腰背強直  
難轉側腰俞肺俞二穴高腰脊痛楚委中頭耳兼一穴是  
復溜腰背偃僂風池穴并治肺俞病卽瘰癧背拘急者治經  
渠肩背相引二間宜商陽委中崑崙穴假如偏脇背痺百

治魚際委中穴可保此病無根株背痛魚際與經渠崑崙  
京骨及丘墟脊脊強痛委中穴腰背俱疼治風池天牖合  
谷崑崙等四穴善治身不疲脊肉牽疼難屈伸合谷復溜  
崑崙真胸連脇痛期門穴宜於此處先入鍼章門穴與丘  
墟穴行間湧泉須細尋肩痺痛者治肩髃宜薰天井與曲  
池并治關冲與陽谷五穴仔細疾不居

手足腰腋女人

手臂痛難舉曲池須薰尺澤與肩髃三里少海大淵等陽  
池陽谷與陽谿前谷合谷液門穴外淵腕骨次第醫臂寒  
曲澤與神門臂內廉痛大淵焚臂腕側痛治陽谷手腕搖  
動曲澤存腋痛少海間使宜少府陽輔與丘墟須薰申脉  
足臨泣腕勞天井治曲澤間使中渚與陽谿陽谷大淵腕

骨等列缺液門十穴醫手腕無力列缺中肘臂痛者肩髃  
攻曲池通里手三里四穴能除肘臂疼肘攣曲澤及肩髃  
少海間使與後谿復譙大陵魚際等七穴馴治病自除肩  
背痠重治支溝肘臂手指難屈憂曲池三里外關等兼治  
中渚病卽瘳手臂麻木天井宜外關支溝與曲池陽陵肱  
骨上廉等再兼合谷與經渠手臂冷痛肩井中曲池下廉  
三穴攻手指拘攣并筋緊曲池陽谷合谷同手熱曲池與  
內關曲澤列缺經渠間大淵中冲少冲等勞宮九穴病必  
安臂腫經渠曲池中通里中渚合谷同并譙液門手三  
里治之立待有神功風痺手攣不舉證尺澤曲池合谷應  
差點拘攣皆不安偏風癱瘓癱痺等胸脇填滿及筋緩無  
力皮膚枯燥病曲池先瀉後補宜肩髃手三里爲證肩膊

煩疼治肩髃兼帶肩井與曲池五指皆疼外關穴手攣臂  
疼少商醫掌中熱者列缺顛宜兼經渠與大淵腋肘腫兮  
治曲澤小海間使大陵瘰癧下腫者陽輔宜足臨泣兮與  
丘墟腰痛肩井環跳穴陰市三里委中熈承山陽輔崑崙  
穴復兼腰俞與腎俞兩腿如水陰市中挫閃腰疼脇肋疼  
尺澤曲池合谷穴三陰交穴與陰陵行間三里手三里腰  
疼難動風市攻耳兼委中行間穴三穴治之誠有功腰脊  
強痛治腰俞委中湧泉小腸俞膀胱俞穴宜兼治腰脚痛  
者環跳宜風市陰市委中等承山崑崙申脉醫腰膝內痛  
治委中三里三陰交穴同腿膝痠疼環跳穴陽陵丘墟三  
穴攻脚膝痛者委中熈三里曲泉陽陵焦風市崑崙解谿  
等已上七穴最爲高膝胫肢腫治委中三里陽輔解谿同

再及水山通五穴要如坐水陽輔攻足癱不收治復溜風痺脚脢麻木憂宜治環跳風市攻足麻痺等環跳丘陰陵陽輔大谿穴兼治至陰五穴癰脚氣肩井膝眼中風市三里承山同太冲丘墟行間穴髀樞痛者環跳攻陽陵丘墟共三穴病者治此爲有功足寒熱考治三里委中陽陵復溜底然谷委中實骨焦下廉風市共七穴足寒如水腎俞高渾身戰慄及脢疼承山金門二穴觀足脢寒者復溜穴兼治申脉屬兌端足變腎俞陽陵燒陽輔絕骨皆宜焦月事不利治中極再兼一次三陰交過時不止隱白巔下經玲來治關元假如女人漏不止太冲三陰交爲使血崩氣海與大敦陰谷太冲然谷焚三陰交穴與中極七穴治之病不存癰聚關元病必除赤白帶治白帶俞帶脉關元氣



海等間使三陰交爲宜小復堅治帶脉中絕子三丘中  
攻因產惡露或不止氣海關元必有功產後諸病期門宜  
乳癰下廉三里醫魚際少澤委中穴足臨泣兮與俠谿乳  
腫痛治足臨泣難產合谷補無失月瀉一穴三陰交兼治  
太冲期爲畢橫生死胎治太冲合谷三陰交穴同假如橫  
生手先出右足小指尖上攻三壯五壯爲灸數炷如小麥  
大有功子上逼心氣欲絕這難須當攻巨關三陰交瀉合  
谷補產婦端的無險跌假如子手掬母心生下男女左右  
痕或在手心或腦後不在腦後人中尋產後血暈不識人  
支溝三里三陰交墮胎手足如水厥肩井五分鍼病消覺  
悶急鍼三里穴胎衣不下中極高兼治一穴是肩井陰挺  
出者曲泉焦照海大敦共三穴無乳置中少澤燒血塊曲

某復溜中三里氣海丹田同復帶三陰交一穴醫人須當  
仔細攻婦人經事若正行與夫交感瘦漸形寒熱往來精  
血競此病若把虛勞名宜治百勞腎俞等風門中極氣海  
并再兼三陰交在內如此治之功必成諸節皆疼治陽輔海  
如婦人肺腓病承山崑崙穴相應足緩陽陵冲陽中丘墟四  
穴定乃若脚弱治委中三里承山三穴同兩脚紅腫更疼  
痛膝關委中三里攻再兼陰市通四穴次第治之極有功  
若患穿跟草鞋風崑崙崑崙丘墟商丘紅井及照海通四穴如  
此妙術醫者通足不能行治曲泉三里委中陽輔復溜  
冲陽然谷等申脉行間脾俞連三陰交穴帶在內十一治  
之病卽痊脚腕痠者委中臨再兼一穴是崑崙足心疼崑  
崙脚筋短急足重沉鶴膝歷節風腫侵惡發不能起床搦

此等宜於風市尋假如腰重不可忍轉側起卧不便窘冷痺脚筋又攣急如此復難屈伸兩脚曲伸兩紋頭四處三壯一同灸兩人兩邊用同次待至人減效可候午時若灸挨至曉聽得截府或鳴吼不鳴或行一二次此病痊愈時可守腰痛不能舉僕參二穴跟骨下陷尋拱足取之三壯灸指日可保病不侵膝以上病灸環跳再薰一穴風市療膝下病者灸犢鼻膝關三里陽陵效足踝上灸三陰交絕骨崑崙三穴高足踝以下灸照海再薰申脉病絕苗假如腿痛真骨康脚氣風市或五壯或五十壯百壯灸次及伏兔鍼爲感鍼止三分切忌灸三四犢鼻膝眼當地五三里百壯灸數至第六上廉夾惟有第七今已闕終至第八絕骨良脚筋轉時不可忍宜於脚踝灸爲準內筋急者灸

在內外筋急者灸外穩脚筋多年不愈者如此灸之病即  
泯

婦人

月脉不調氣海中三陰交穴中極攻帶脉一壯不可過再  
及肩俞斯有功女子月事若不來面黃嘔吐身無胎三陰交  
旁曲池穴支溝三里治無火經脉過多通里高行間穴與  
三陰交欲斷產者治合谷方足內踝上寸燒臍下二寸三  
分灸灸至三壯陽氣消復有肩井帶在內從此姪孕絕根  
苗一切冷憊灸關元不時漏下二陰交月水不調結成塊  
用鍼關元水自調

小兒

大小五癰水瀦存百會神明與金門頰帶崑崙及巨關驚

風脫骨最爲真瘰癧五猪鬃陽谷熱治脫骨與崑崙風癰  
目帶上百會復熱崑崙絲竹空脫肛百會長強穴假如卒  
病治太冲角弓反張百會穴大凡瀉痢神闕攻赤遊風者  
治百會熱治委中誠有功秋深冷痢久臍穴二寸三寸動  
脉中假如吐乳灸中庭一寸六分下痢中卒癰猪癰灸巨  
關灸至三壯收全功假如口有瘡蝕斷穢臭冲人難看管  
勞宮二穴各一壯用心仔細須尋纂卒患肚痛皮青黑肚  
臍四邊各半寸各灸三壯皆完全鳩尾一寸三壯益驚癰  
頂上旋毛中須於此處三壯攻耳後青絡三壯灸炷如小  
麥大有功風癰屈指如數物鼻止髮際治之不一二歲者  
目赤眦大指小指間後尋一寸半灸三壯沒夜啼百會灸  
三壯顙門不合各有方臍上臍下各五分三穴各灸止三

壯灸倉未發顙門合患者試之必然康肩膊偏墜是關元  
灸止三壯誠宜然大敦七壯真果便若此治之病卽痊猪  
癰如尸厥吐沫巨闕三壯不可忽寒熱洒淅食癰發鳩尾  
上至五分突宜灸三壯身卽安不灸三壯病不痊羊癰九  
椎下節間灸至三壯如服丹又法大椎上三壯可保小兒  
無災難牛間三壯鳩尾穴大椎三壯透過間馬癰治之自  
有方僕參二穴各三壯風府臍中各三灸依此妙法得安  
康假如大癰兩手心足太陽與肋力尋各灸一壯病必愈  
鷄癰足諸陽三臨牙疳蝕爛治之強或鍼或灸須承漿遍  
身生瘡曲池穴合谷三里絕骨良通前通後共五穴須兼  
膝眼二七壯假如腋腫馬刀瘍要知此是頭中瘡宜治陽  
輔大冲穴熱風癰疹肩顙臑曲池曲澤環跳等諸帶合谷

湧泉應陽腫振寒少海中疥癬瘡弓曲池攻支溝陽谿陽谷等太陵合谷後谿同委中三里陽輔穴崑崙穴與行間通三陰交穴百重窠十四穴治爲有功

丁瘡 溺死 大傷 蛇傷 脉絕 癰疽

疔生面上與口角須灸合谷瘡卽落若生手上灸曲池若生背上肩井索三里委中臨泣中八穴灸之不可錯行間通里少海兼復帶太冲無病惡假如癰癰少海尋此穴皮上宜先鍼二十六息推鍼入內須當定淺深追核大小勿出核三十三下乃出鍼天池章門臨泣等支溝陽輔百壯真復兼肩井手三里肩井隨年壯爲吟癰疽發背肩井攻耳兼一穴是委中以蒜片貼瘡上灸如不疼灸至疼愈多愈好是此病若疼宜灸至不疼 溺水死者雖經宿

細按神經亦可救卽解死人衣帶開速急把他臍中灸  
假如人被狂犬傷當時須灸咬處瘡九人若是蛇傷  
者亦把咬處灸三壯仍以蒜片貼咬處灸在蒜上卽安康  
人脉微細不見臨或時無有不可尋少陰經兮復溜穴此  
穴宜刺圓利鍼鍼至骨處順鍼去下刺候回陽脉臨陽脉  
生時方穩當方乘此際可出鍼 癰疽瘡毒實難醫患人  
須將竹馬騎薄篾用量患人手尺澤橫紋頭比齊起循肉  
拍至中指尖上截斷斯爲宜竹杠兩頭置凳上患人去衣  
方可騎須當以足微點地比篾頭安竹杠皮循肉直上篾  
盡處醫者須當墨點記只是取中非灸區更以薄篾量中  
指中節兩紋爲一寸將篾以墨點爲主點上兩傍各一寸  
是穴各灸五七炷或五或七不可多此法灸之無不愈



附辯

或問睛明迎香承泣絲竹空皆禁灸何也曰四穴近目目畏火故禁灸也以是推之則知睛明可灸王註誤矣或問迎而奪之隨而濟之此固言補瀉也然其義何如曰迎者逢其氣之方來如寅時氣來注於肺卯時氣來注大腸此時肺大腸氣方盛而奪瀉之也隨者隨其氣之方去如卯時氣去注大腸辰時氣去注於胃肺與大腸此時正虛而補瀉之也餘倣此

或問窅穴鍼入幾分留幾呼之說曰愚以爲初不如是相拘蓋肌肉有淺深病去有遲速若肌肉厚實處則可深淺薄處則宜淺病去則速出鍼病滯則久留鍼爲可耳故曰刺虛者須其實刺實者須其虛也

或問孫氏以灸爲閉門趕賊何如曰夫以火瀉者疾吹其  
火則火氣與邪氣去矣此內經火瀉法也又胡爲而閉  
其門手至於氣鍼雖微妄加無病則氣之瀉若河決下  
流不可以其微而輕之也孫氏之云特歸重於火鍼耳  
要之言不能無弊故曰立言難

或問人神隨年歲巡歷於身屍神逐日坐臨於人若人死  
此神與之俱死乎抑出於人之身飄流於天地間而失  
所依乎抑別求人而附之手若別欲依人則人人自有  
神矣將飄流天地間無人可依神亦離散矣旣曰神則  
靈變莫測者也何必求人而附之乎人之心爲君主之  
官神明出焉胡不驅此神使身安而不爲鍼灸所犯乎  
曰曰人神屍神後世術家之言素難未有也何足信哉

或問胃之大絡名曰虛里其動應衣脉宗氣也而不係於  
補瀉之列豈以偏穴而廢之歟曰此固氣之所聚血之  
盛會灸刺之禁地也其過與不及自有其道焉蓋中焦  
之氣盛衰而宗氣爲之盈縮取之三里以下其氣而宗  
氣之盈者消調之三里以補其氣而宗氣之耗者滋則  
其氣未嘗不補瀉也特以非別走他經故不在諸絡之  
例此所以舉豐隆而不厲虛里也歟

或問素問難經論鍼之旨何如曰素問博而詳難經精而  
約其道則一而已孟子謂博學詳說將以反說約二書  
不可偏廢也

或問古人補瀉在井榮俞經合然睛明瞳子膠治目疼聽  
宮絲竹空聽會治耳聾迎香治鼻地倉治口喎風池頭

維治頸項不係并榮俞經合何也曰以其病在上取之上其高者因而越之之意也

素問補遺註云動氣至而卽出鍼今鍼入穴邪氣吸拔推之不前引之不後轉之不移必俟氣衰然後退鍼豆許如此者三而可出也若僅能轉鍼而遽出之則血隨鍼寫在於多氣少血之經尤所當忌吾嘗謂遺篇之補出于後人之託其經註一律出於一人之手由是觀之豈特註說未當而已邪

十二經絡竅穴各有流注衰王之時按時補瀉固是今病在各經絡者或按時亦能去病蓋病著于經其經自有虛實補虛寫實亦自中病也病有一鍼而愈有數鍼始愈蓋病有新故淺深新且淺一鍼可愈若深痼者必屢

鍼可示如服藥然有一二劑病退有多服至四十五劑或累百而愈

或問鍼形至微何以能瀉有餘補不足曰如氣毬然方其未有氣也則壓塌不堪蹴踢及從竅吹之則氣滿起胖此虛則補之之義也去其竅之所塞則氣從竅出復壓塌矣此實則瀉之之義也

或問素難長沙東垣寶肥卿寶桂芳鍼法何如曰素問猶五經之載道難經猶易之十翼發明素問長沙東垣則如濂洛關閩之精思力踐二寶猶老列荀揚文雖曰體道不能無偏倚駁雜要之素問長沙東垣如美玉而二寶誠爲有瑕之璧也

或問鑒經小學云出鍼不可猛出必須作三四次徐徐轉

而出之則無血若猛出必見血也素問補遺篇註云動  
氣至而卽出鍼此猛出也二說將孰從哉曰經絡有凝  
血與欲大瀉者當猛出若尋常補瀉必當從醫經小學  
也

或問銅人千金等書空穴多十四經發揮所載空穴少如  
風市督俞金津玉液等彼有此無不同何也曰十四經  
發揮據素問骨空篇論及王註若銅人千金纂偏書非  
岐黃正經也